


LUNETA KUVUMA

MWAKUZENEKA KULUMBUNUKA

 Ngunasakwilila chikuma, Ndumbu walunga Demos. Elu lunapu lusesa walunene lwakupwa hano mukuliwana cha Vakakulishitu ufukuuno, muno mulifuchi lya meya amakaza. Kaha Ngwasanyikanga kwimbo, shimbu chindende kunyima okwo, kaha echi chinapu pamo kuzuma chindende, mujla kuze Kunote, kuhambakana kuno. Ngwatela kuchineha hamwe na yami. Nanguya nakuzangwisa na kukinduluka cheka, washi washi. Mitondo yosena ili nakuma. Ove washinganyeka ika hali echi, Creechy? Echi chili. . . [Uze ndumbu walunga ngwenyi, “Echi chili kututa.”—Muka.] Echi punduvene chili.

² Kaha kuwahilila kupwa nakuliwana na pashita wamwaza, ufukuuno, na kumona enu vathu. Ngunapunga kaha, tando yayindende. Ngwejile nakufuma ku Tucson, kuze Ngwatela kuya lelo. Kwendesa nakushikumuka ufuku unahichi, kaha kupwa pamo ha tu-seti na chimene, kushikumuka mu Tucson. Kaha jino apwile helu likumbi lyosena, kushikumuka kuze. Kaha ngwasele tando yayindende. . . Chamwaza, Ngwengililemo, kupwa kaha pamo mu ola ya chimbwa, Ngwashingtonyeka, chumachimwe nge ngachize, hano. Kaha shikaho Kangwapwile na kusavala chikumako. Oloze Kangweshi nakweseka kuya nakusavala hano. Oloze etu tuli—etu twawahilila kupwa hano.

³ Ou kanyike walunga wamundende, kuhema na evi vihungo hano. Ngwatwamine kunyima kuze, hali. . . mumwe muchitwamo cha vana vavandende. Kanyike walunga kwiza, kusoloka hali yami kupwa ngeji ivene. Ngwambile ngwami, “Etu vosena vanyike vanahase kutwama hamwe, keshi ngochoko?” Jino, Ngunakunyuka hali ava vakweze, chipwethuhu.

⁴ Kaha echi chili, mamalelo, chili vene chamwaza kupwa hano ufukuuno, kaha kupwa na lizavu lya vathu vamwaza kwimana nakujinguluka. Kaha Ngwafwelela jino nge Ndumbu walunga William namilweke enu vosena, kaha Ndumbu walunga Rose hano, ha kwiza cha kuliwana. Ngunashinganyeka ove unapu wakutela na echi. Kupwa ha Ramada, kufuma haze, mu Business Men convection. Kaha etu tuli nakuvandamina lwola lwalunene kuze. Ndumbu walunga Velmer Gardner, wamwaza, mukakuhanjika wangolo; kaha na veka vakakuzata, Oral Roberts kaha vavavulu, kuya nakupwa kuze. Kaha etu tuli nakuvandamina lwola lwalunene muli Mwata.

⁵ Ngwafwelela, lwola lwaluvulu, echa tupwenga na kutanga cha kuka muli chize chihela. Huu-hu. Ngunatondo kupwa

na Ndumbu walunga Oral, kaha etu kupwa hamwe. Eyo, mwane. Echi kacheshi kuhasa kupwa chamwazako? Chize nachiya nakupwa na—na kuhokoka chamwenemwene muli echi, keshi ngochoko? Kutanga cha kuka, muuze mu Ramada, chize nachiya nakupwa kanawa. Etu . . . Shikaho etu tunahase kulinga ngachize, munatachikiza. Ou Mwata nahase kutuhanacho etu, kupwa na kutanga chakuka. Shikaho etu natuya. . . Kuya nakujinguluka jino, kufuma muliuka nakuya kuliuka, kweseka kutanjisa kuwaha chosena, kaha kupwa na umwe namukwavo, kaha kupwa na kulikata mu mauka akuhandunuka handunuka. Omu mukiko etu twafwelela, nge etu twapwa umwe, muli Kulishitu.

⁶ Ngwapwile nakuhanjika likumbi likwavo kuli ndotolo. Nguli nakutonda kuya nakuzauka tulungalwiji, kaha enu mwatela kupwa nakukekesa chakutala mumujimba. Shikaho Ngwapwile mukukekesa cha mujumba. Kaha ikiye anguhakile hali umwe hali aze makimba. . . Ngwa. . . Kanda kunguhula yami omu chili. Kaha ikiye awanyine chuma chimwe chaungeji. Kaha ikiye akindulukile kaha kahashile kuchilingako, kaha ikiye apwile na kasulu ya mandotolo, kaha ikiye kahashile kwivwushisako. Ikiye ambile ngwenyi, “Kanda lyehi ngumone chize shimbu kanda chize.” Kaha shikaho ikiye kungusolwela chifwanyisa cha echi, omu uze apwile na chivezu, kaha enu mwatela kupwa nachivezu, kaha vakiko vali mujila yakutanduuka kufuma kuli umwe namukwavo. Oloze ikiye atachikijile hali yami vakiko vosena vapwile hamwe. Ambile ngwenyi, “Ove unapu mukweze wakusehewa.”

Ngwambile ngwami, “Ngwejivile lwola lwosena. Muthu wosena eji kulinganga.”

⁷ Ngwenyi, “Etu kanda lyehi ngumone chize shimbu kanda.” Shikaho ikiye atela kungulweka yami hali echi.

⁸ Ngwambile ngwami, “Chamwaza,” Ngwambile ngwami, “munatachikiza, Ngwashingtonyeka Mwata wamwaza, omu Ikiye eji kulingisanga, Ikiye kulingisa etu kupwa wakuhandunuka. Etu katwasoloka nge umwe namukwavo, kaha shikaho lwola lumwe etu katweshi numba kulinga nge umwe namukwavoko. Oloze—oloze Ikiye achilingishile kuli Ikiye. . . jila Yenyi Ivane ya kuchilingisa echi. Etu kuya kaha nakwingila na kutunga likina lyalinene, kaha etu natuya nakutwama kulu, Ikiye kututunga mujila Ikiye natondo etu kupwa.”

⁹ Kaha Nguna—Ngunatachikiza nge kakweshi umwe kutonda kupwa kala chuma oloze chuma ove wapwa. Chuma chimwe kaha etu tunahase kufwila. . . Hanyima etu vanatulwili na kwiza nakupwa vana va Kalunga, chumachimwe kaha etu twatondo kupwa chindende hakamwihi kutambuka hakumbi hakumbi. Omu mukiko etu tuli nakufwila, ha kulikata chachinene. Omu chawaha echi! Unahase kwimana nakushinganyeka kaha

etu natulinga ngachilihi kachi etu katwapwile nachizeko? Chumamuka—chumamuka... Kachi luze lusalililo lwalunene kalwanokela muli etu, chumamuka etu twatela kulinga?

¹⁰ Ngwapwile nakuhanjika, mu mauka amwe, echa Ngwa... Chatete, chihela chimwe, kahajino chikwavo, kaha kujinguluka mulifuchi Ngweji kuhanjikanga lwolalumwe, kushinganyeka Ngunahase kuhilwisaho muliuka lyolimwe. Oloze Ngwapwile nakuya nakulovoka kufuma muzuvo kuze Nanguya nakupwa kanawa kupwa wakulisala kupwa wamulemu, pamo ava vathu lelo kulinga echi hano kukina chachihya vakiko vakwechi, vakiko kuchongonoka, mokomoko chumachimwe. Kaha Ngwambile ngwami, “Ngunahono kutachikiza, kaye kana, vathu vanatondo kuhokola mahinji avo na—na kulinga ngachize.”

¹¹ Shikaho, kuze kwapwile mukweze, pamo twende sikisi, twende seveni yakusemuka, anguwanyine hanyima, ngwenyi, “Chindende kaha, Mukulwane Branham.”

Ngwambile ngwami, “Eyo, mwane?”

Ikiye ambile ngwenyi, “Munatachikiza, enu kamwangwivwishisako.”

Ngwambile ngwami, “Ngwafwelela Kangweshi kalingamoko.”

¹² Shikaho ikiye ambile ngwenyi, “Mwamono,” ikiye ambile ngwenyi, “Ngunahase kumona punga yove.” Ambile ngwenyi, “Ove unapu lunga wa myaka fifite yakusemuka. Oloze kachi ove wapwanga na chisemunuino chami, nachiya nakupwa chakuhandunuka.”

¹³ Ngwambile ngwami, “Vandamina munyutu kaha.” Ngwambile ngwami, “Ngwapwanga nakunangula Mujimbu wamwaza omwo Ngwapwile na myaka yakusemuka teni kuhambakana ove. Hanga ngwafwelela Mujimbu wamwaza woumwe. Ngwawanyine chumachimwe chize nachisoloka, kaha kuwahilila chikuma kuzachila Mwata kuhambakana vyuma vyosena liyavolo nahase kutunga kala kwosena.” Echi chili... Echi chili nakuhana kusuwuluka.

¹⁴ Munatachikiza, Ndavichi ambile ngwenyi, lwola lumwe, “Nge kapaji kwivwa pwila ya meya, mwono wami weji kukuvwila pwila Ove, Ove Kalunga.”

¹⁵ Kaha kachi enu mwamona lyehi umwe hali vaze vakweze, omwo ikiye—ikiye vanamukolesa, pamo vaze watuwa vamukwate ikiye, kaha kutanyako pinji kufumisa kusali, mokomoko chumachimwe. Ikiye kuhita manyinga. Kaha, ikiye, uze kawa nahase kumulandula ikiye. Ikiye keshi nge muthu ko. Kaha ikiye nahase kumuhanga uze vuli chipwe ikiye ali nakuhita manyinga mokomoko chiku. Kaha shikaho jila kaha... Kachi uze vuli napu nakuhita manyinga, jila yimwe kaha ikiye nahase kuyoya shina kuya kuze kuli meya. Kaha kachi ikiye ahetele kuze kuli

meya, ikiye mwaya nakunwa meya. Echi nachiya nakwimika manyinga, kaha—kaha ikiye nahase kuya. Ikiye apwa wamwaza.

¹⁶ Oloze jino enu munahase kushinganyeka, kumona umwe hali vase vavandende vajimbandu na kuhita manyinga, kaha kupwa mutwe wenyi waundende, kaha mangana osena ize ikiye ali nakulambisa kuze meya ali, na lizulu. Kupwa kaha, ikiye atela kuwana meya, mokomoko kunonga. Kaha jino echi chinapu kuyoya na kufwa, kuli ikiye. Ikiye, na—na—na kala kangwee ikiye alinako ikiye ali, ikiye ali nakweseka, na kufwila. Ikiye atela kukawana.

¹⁷ Jino, eyi ikiko jila etu twatela kupwa napwila ya Kalunga. Talenu? “Nge kapaji kwivwa pwila ya meya amuze mumwana kalwiji, mwono wami uli nakwivwa pwila ya Ove, Ove Kalunga.” Pwako wakusweka na Ikiye kumwe, chinapu kufwila cha muchima wami. Kaha Ngwafwelela nge chize chikiko kufwila chosena chize chili muno ufuku uno.

¹⁸ Kaha jino, ufuku hanyima ya ufuku, kaha Ngwazanga kumona echi. Kumeso enu mwamono ha chihela chimwe, enu mwamono hali mukwavo. Ngwa—Ngwazanga chize. Ove kusolola kulikata chove, na kusolola chuma muka etu tuli hano.

¹⁹ Kaha, mamalelo, Nanguzanga kumona kuhizumuka chamwaka chakutwala mu Phoenix. Mamalelo, yami! Lize lizu *Phoenix* yinakisula kufuma halwola lwatete Ngwatangile echi, cha echi: Phoenix, Arizona. Yami, kanyike walunga wamundende, Ngwashingtonyakele, “Kachi Nanguhasa kuheta haseteko! Kachi Nanguhasa kuheta kuze, ku Phoenix!” Kaha jino kumona echi, kaha omu etu tuli hano etu kuwana chinengila kwishi ya shili, nge vihela vyosena, vangeji kwiza nakwingila; kaha kunwa, kunwa wala, kulinga maujila, vyumavyosena vinezamo.

²⁰ Oloze, ohonyi, mukachi ka vyosena vize, ove muwana luheto luvene nge Kalunga kunyikisa kufuma mupambo hano, chize kuvwakuma mumuchama wa Kalunga waupahu wavathu. Kaha omu mukiko Nguli hano, ufukuuno, kuhaka amilyavene na enu vandumbwami na vamapwevo, kweseka kumunyika chize kumunyika cha Mwata Yesu kuliveka, nge vakiko vanahase kuwana, nawa, muli echi chimbalanganyi. Kaha vavavulu muli vakiko vali kuze. Nguli nakusuuluka na chize. Kuze kuli lika kwiza nakwingila, kaha etu twatela kulinga vyuma vyosena etu tunahase kupwa navyo kuze, kaha kuyoya chiyoyelo chize nachiya nakusolola Kulishitu.

²¹ Jino, shimbu kanda etu tutange kutanga cha Chisoneka chachindende... Ngwejile kukotokela Ngwasonekele vimwe, muminyutu yitanu. Kaha va federal income tax vangutuminyine vyakukindulwisa, Ngwawashile kupwa muzevene, kaha vachihakile namuli papilo, Ngwashingtonyeka, pamo lelo, oloze. Kaha shikaho Ngwatela kuya muufwishi yakutumina mikanda.

Kaha omwo Ngwahetele nakwingila, Billy ngwenyi, “Ove watela kuzangula.” Kaha shikaho hano . . .

²² Ngwapwanga kaha nakujinguluka, na kujinguluka, na vaze vakweze. Yami, mamalelo, yami! Vakiko kuhanjika ha chiyulo muze muzuvo. Ngwalikomokela okwo chili. Eyo. Kanda lyehi ngumone chuma kana. Kaha vakiko vangutondele kufweta mutelo hakala checki yosena vanguhanyine mummyaka fifite, kufweta mikuli ya kuliwana, na kuzeneka kalesa hali echi, talenu, seli handulendi na fifite faifi sauzande ya mandola.

²³ Ngwambile ngwami, “Ngwasenu.” Kaha Nanguchilinga Yami ngachilihi? Ngwambile ngwami, “Kangweshi na kupwa na pamo fifite faifi ngwee ko.” Ngwambile ngwami, “Kaha Nangulinga ngachilihi?” Kaha vakiko vakwachile muzulu wami kuuhaka kuliwilo ha myaka yitanu.

²⁴ Shikaho, vathu kuhakamo. Nge, etu tuli na kupwa nakunangula, kaha—kaha vathu, vakiko vanatachikiza lijina lyami kupwa William Branham, vakiko kupwa kaha na checki ya vyuma vyakulanda. Vaze vakakuzata kuzakama chize. Kanda lyehi ngutambule wana muchiyoyelo chami. Kaha shikaho vakiko kupwa na . . . Ngukwechi na—na fweto yami kufuma kuliuka, handulendi yamandola mumulungu.

²⁵ Kaha ou wana . . . Oloze wosena, talenu, nge vakiko vahakile muze . . . Kaha chimene chashishileho, uze—uze—uze—uze umwe apwile mukulwane lizavu lyakutala kumali, apwilenga nakwiza nakuhanjika, “Ndumbu walunga Branham, ove watela kufwachika hali eji jicheki.” Kaha, mwomika, Ngwapwile nakujifwachika kaha. Ikiye ajihakilemo cheka. Kaha jino vakiko vatalile vyosena nakuhitamo, kaha chipwe cent yimwe yakuzachisa hali yami yauchi. Oloze omwo Ngwafwachikile hali ize checki, vakiko ngwavo yapwile yami. Vathu vanguhanyinejo, kahajino Ngwajihanyine kuliuka. Mamaah, yami!

²⁶ Ngwevwile kupihya, chatete, kahajino Nguneza nakuwana nge kala muthu mu Mbimbiliya, Ngwafwelela, uze wosena apwile na ufwishi ya mushipilitu ya Kalunga, apwile wakulinunga na federal governments. Chitaletalenu kanawa namuchiwana. Echi chakwoloka. Mose, Ndanyeke, Yowano Mukakujimika. Yesu Kulishitu afwile mu livoko lya federal government, mukuzangamisa chamujiha. Petulu, Yakova, Yowano, Yowano uze wamukusoloka, vosena, vyuma . . . Vosena vanjile nakuvajaha.

²⁷ Mwomwoika? Echi chinapu chitwamo cha Satana. Enu mwatachikiza echi? Munatachikiza, Satana ambachile Yesu na kumulwekesa Ikiye mawangana osena, kaye, mukatando kakandende ka lwola? Kaha ikiye ambile ngwenyi, “Vakiko vanapu vami. Ngweji kulinganga nawo mwosena omwo Ngwatondo kulinga. Talenu? Kaha Nanguya nakukuhana Ove kachi Ove muya nakuholoka hamavu na kulifukula yami.”

Shikaho enu mwamono vakiko vapandama kulihi? Etu twajinda kushinganyeka nge vapwa vethu, oloze mukiko chili.

²⁸ Shikaho Ikiye ambile ngwenyi, Yesu ambile ngwenyi, “Fuma aha, Satana.” Ikiye atachikijile nge Ikiye mwaya nakupwa swana yavo, mu Likombakaji. Ikiye atachikijile nge vakiko navaya nakupwa Chenyi omwo. . . Omwo, kachi ava navakatwaminyina kuli Kalunga, Likombakaji nalikapwa lika. Oloze nakuya nakupwa lwola.

²⁹ Vakiko vakwechi U.N. na League of Nations, na vyuma vyosena, kweseka kuneha kuunda. Oloze kachi nge Satana ali helu lya echi, kaha milingu, chuma muka nachiya nakusoloka? Vakiko navaya nakuzunga kaha nge kaye.

³⁰ Oloze kuli nakwiza lwola omwo mavoko osena navakawakasa. Kaha jimbendo najikavuma, kaha chimene cha Hayamyaka kulovoka, kumunyika kaha zwalala. Mwangana Wetu himwaka-pwa Halitanda. Mamalelo! Kuli nakuya nakwimba; nakukapwa kutambakana. Kaha nakuya nakupwa ndembele yimwe, vathu umwe, lifuchi limwe, kuhanjika mulilimi limwe, Mwilu. Amena. Ngwafwila lwola luze. Kaha Nguli nakushindakana ha lusona, kufwelela kuli Kalunga, likumbi limwe omwo chinakumu, Ngunahase kuhanjika. . . Nguli nakumwivwa Ikiye kuhanjika kuli yami, “Twaya helu chikuma.”

³¹ Nguli hano mu Phoenix ufukuuno mu Lijina lya Mwata. Kangweshi—kangweshi kweseka kulumbununa chuma muka chasolokele. Enu vathu vavavulu mweji kumbatanga eji jitepu, pwenu vakukunyuka nakumbata yimwe ya, *Lwola muka Luno, Mwane?* Chize chapwile shimbu kanda Nguseze hembo. Chimweno vangutuminyine hano; chili, Ngunahono kutachikiza chumamuka. . . Ngunahono. . . Kangweshi yami mukakulanjisa tepuko, kaha Kangwayanjila havyuma kanako. Etu tujikwechi, kaha etu tukwechi kusekesana cha tepu kujinguluka kaye kosena. Kuya mbwe na mumisenge kaha na kwosena, vakiko vakwechi tuma tumwe twatundende vakiko vanahake mumatwitwi avo, vakiko vakwechi, kaha vanahase kupwa na tepu kufumisamo tepu ikwavo, kaha hazevene kwalumuna mulilimi. Kaha hinayiya nakujinguluka kaye kosena.

³² Kaha, oloze umwe uze Ngwapwile nayo, ize *Lwola Muka Luno, Mwane?* Mokokoko, *Luno Lukiko Lwola Kana, Mwane?* Vamwe. . . Ngwa. . . Sateli naufuku, milungu yitatu kunyima okwo, haze haliuka. Hanyima ya chiyoyelo chami chosena cha kumona vimweno, Kanda lyehi ngupwenga na kalachuma nge echi shimbu kanda, muchiyoyelo chami. Kaha Ngunahono kutachikiza chuma muka echi. Nguli kaha hano, oloze Ikiye angutumine yami hano. Ngunahono kutachikiza omwo chalumbunukila. Nguli kaha. . . Nguli kaha hano.

³³ Kaha Ngwatela kupwa wakushishika na kushishika, kaha eyi ikiko jila kaha etu natuhasa nakuheta kumwe na Kalunga, shina kupwa wakushishika. Mwomwo, malunga navaya nakutachikiza. Kalunga natachikiza, mukuputuka, enu kamweshi, chipwe enu muli mokomoko chiku. Kaha vathu navaya nakutachikiza. Mwomwo, lwola lumwe, kuze kwapwilenga lunga umwe kweseka kupolofweta. Kaha Kalunga amulwekele...Mokomoko, kapolofweto wamwenemwene amulwekele ikiye, ngwenyi, “Echa twanukenu. Kunapunga tupolofweto kumeso etu. Uze kapolofweto vamutachikiza kaha omu upolofweto nawiza nakusoloka.” Shikaho etu twatela kupwa vakukunyuka nge etu tunatachikiza nge Kalunga ahanjikile ngocho, shimbu kanda etu tuhanjike kalachuma hali echi. Pwako wakushishika na kushishika.

³⁴ Jino echa etu tunongame mitwe yetu chindende kaha tulombe. Jino echa tuhake kusali kala kuzakamina jino, ha minyutu yayindende. Ngwalikomokela...Muli eli lizavu lya vathu vavandende hano ufukuuno, Ngunatachikiza muli tuze twatulemu twatwame hano vaze Yesu mwakeza nakumbata likumbi limwe, navakafuma mulukungu.

³⁵ Kaha kuze kunahase kupwa vamwe hano vaze kaveshi vene vakukunyuka nge vakiko navakapwako kuze, mokomoko nduma. Ove unahase kutonda vyuma vyeka. Kachi kuli kutonda mu chiyoyelo chove ufukuuno, echa vachitachikize kuli Kalunga, nge ove zundula kaha livoko lyove, kuhanjika kaha, “Kalunga, Munatachikiza omwo Ngwatwale jino. Kaha kisula yami. Ngu—Nguli nakuviza. Ngunatondo kuka. Nguli—Nguli mujila. Ngunatondeka kukinduluka kunyima mukulikata. Ngwa—Ngwatondo kukinduluka kunyima. Nguna—Ngunaluwisa. Nguli nakwiza cheka. Ngwatondo Ove kungukafwa yami, ufukuuno, kwiza nakukinduluka kunyima.” Kalunga akukisule.

³⁶ Tata wa Mwilu, jino shimbu etu tuli nakupandama ku litanda Lyove, mujila ya Manyinga, mwomwo, kaha Alone ayile kumeso a—a chitwamo cha keke, ikiye ambachile, chatete, aze manyinga mulivoko lyenyi, kaha ikiye ayile kulutwe, kaha etu, ha lufwelelo ufukuuno, kutambula Manyinga a Mwata Yesu, na kutambuka kutwala ku litanda lya Kalunga, kuhamuka, kutachikiza nge etu tuli na lisesa lya kwiza, keshi mukwoloka chetu ko, oloze muli Ikiye. Aze Manyinga kwimanyinako kutomesewa. Kaha Ngwalombo, Tata wa Mwilu, nge Ove uyenga nakutuhana kutonda chetu.

³⁷ Chatete, etu natuya nakukulomba Ove pwako na keke kuli etu, kutukonekela etu kuzombojoka chetu jishimbi, nge etu kukonekela kuhenga chetu, kaha kuhenga chetu chachindende, kaha jishili jakusweka, kaha jishili jakuhona kutachikiza. Kaha etu natulitavila nawa kupwa vakakuzata, hakupwa tupilishitu, jishili ja vathu. Hamwe, Mwata, etu tunemana. Etu twazanga vathu. Etu tuli nakwivwa nge Mose omwo ikiye alimbilile livene

mukachi, kukwata vathu, ndombo ya Kalunga. Chuma muka kusoloka chize, cha kwoloka cha Kulishitu, omwo Kulishitu alimbilile Lyavene mukachi, kulwila vathu!

³⁸ Kaha, Tata, etu nge vangamba Jenyi, na Shipilitu Yenyi muli etu, Mukakulishitu wosena muno ufuku uno, kwachilila kulivoko lya mukashili: “Kalunga, nguvwile keke.” Etu kutambakana hali vakakuviza na kutonda, hamavoko aze amwaza, amwe avo amwaka, kaha vamwe vavandende, kaha vamwe vanapu vavupu, kukatula mavoko avo. Munatachikiza vyosena hali chize, Mwata. Etu twalombo nge Ove muya nakukumbulula kutesekeka na luheto Lwove lwa upahu.

³⁹ Echa kuli vavavulu ufukuuno, Mwata, yako kwakusuku kuno, vaze vejile nakwingila, vali nakuviza, echa vakiko vayenga, kanawa, kuhinduka. Kupwa na chumachimwe kusoloka, vakiko vanahono kulumbununa echi, oloze vakiko vanatachikiza nge vakiko vanapu kanawa.

⁴⁰ Echa vaze vali nakuya kulutwe vayenga vakuvulukila kwoloka, Mwata, kutachikiza nge vakiko vakindulukile na kumbata Kulishitu haze vakiko Vamuselelele. Echa vakiko vayenga, kupwa nakutunguluka. Tuhane echi, Mwata, nge vaze kanda vezenga nayenga nakuwana kukasunuka chamwaza chakupwa vakukasunuka, kufuma muchikalanga, kakweshi cheka wakukashiwa na vyuma vya kaye na kuzakamina chiyoyelo, oloze napunga wakukasunuka muli Kulishitu. Tuhanecho echi, Tata.

⁴¹ Kisula vyosena etu twatondo jino, na kukisula Lizu Lyove na ngamba Yove, kaha etu natuya nakukuhana Ove kwalisa. Mu Lijina lya Yesu etu twalombo echi. Amena.

⁴² Jino, kachi etu natutanga Chisoneka, mokomoko Chisoneka cha kutanga, chipwe, Kolinde Watete kapetulu 14, vasi 8, kutanga ngana, mu Kolinde Watete 14:8.

Kaha kachi nge luneta kalweshi kuhana kuvuma mwakulumbunuka, iyaze mwalipakachisa lyavene ngwenyi aye kujita?

⁴³ Echi nachiya nakupwa kutanga chakutamo nge etu tunahase kunangula milungu ivali kufuma hano jino hali echi, kaha kuhona kuheta numba nakusongo yacho. Kuze kuli chumachimwe hali eli Lizu linapu lyakuhwimina. Ove uli lwola lwosena ha kutanga chimwe. Ove unahase kukasa Mbimbiliya josena na echi. Echi chakwoloka.

⁴⁴ Likumbi limwe mukweze anguhulile yami, ngwenyi, “Nauya ngachilihi nakumbata kutanga chochimwe?”

Ngwambile ngwami, “Mamaah, yami! Ove mbata echi kutanga kufuma kuli echi.”

⁴⁵ Ngwambachile chimbwa cha lifwo muchimbwa chitatu chapwile hamavu, kaha kulikwata. Uze lunga natwame hano

ufuku uno, kufuma ku Tucson. Kaha etu twapwile kuze ku Pasadena, California. Kaha Ngwambile ngwami, “Nangumbata chimbwa cha eli lifwo kaha kutangisaho mummyaka twende faifi hali echi: omu chinapu kuyoya, chilimo; omu, tumatwitwi tutatu, kupwa muutatu kupwa mu Umwe. Kaha, mamalelo, mamalelo, kuli kaha vyuma vyavivulu vize etu tunahase kuhanjika hali echi.”

⁴⁶ Kaha ngachilihi Chisoneka? Eli linapu Lizu lya Kalunga. Lili Hayamyaka. Echi—echi chapwile... Echi kacheshi na makumishiloko. Echi cheji kutwalilaho kuya lika, lika, lika. Echi chinapu chihela chakuswama kuli etu.

⁴⁷ Kaha jino ufukuuno Ngwatondo kuhanjika hali echi: *Luneta Kuvuma Mwakuzeneka Kulumbunuka*.

⁴⁸ Mu kushinganyeka hali echi, tando yayindende kunyima okwo, omwo Ngwapwile nakushinganyeka ha...ha kuzata cha mitelo, Ngwashinganyekele, “Nge kakweshi chuma chimwe lelo chinapu chakutamoko. Vyumavimwe vikwechi kuzeneka kupwa vyakutamoko hali echi.” Kaha kala chuma chize chakuzeneka kulumbunuka kaveshi kuhasa kuchifwelelako. Kalachuma chize chili chakuzeneka kulumbunuka kaveshi kuhasa kuchifwelelako. Kaha ove fumako kachi kacheshi kupwa chakulumbunukako.

⁴⁹ Kachi enu mukwechi kusekasana; kaha, chize, etu tukwechi vakakusekasana, pamo vavavulu. Kachi ove uli mukusekasana chize kayeshi yakulumbunukako, ove kaweshi kuhasa kuya nakuhakamo chikumako, mwomwo ya—ya nganyo yakuhona kulumbunuka, kaha ove kaweshi kuhasa kuhakamo chikuma. Mokomoko, kachi ove uli wamwaza, mukakusekasana wakuvanguluka, ove muya nakuvandamina na kutonda, kachi ove ukwechi mali amwe akwingisamo, palanga ove muwana chumachimwe chize ove mupwa wakulumbunuka, chumachimwe chize chinapu chakukundamina, chumachimwe chize ove unahase kukundaminaho. Mwomwo, ove kawazangile kutonda kujimbalisa aze mali amandende aze ove walamanga, mwomwo naze ove akiko watela kuyoyelaho, kufuma muli ize nganyo kufuma—kufuma muli tuze wafumishile muli aze wengishilemo. Mwomwoika, ove watela kupwa—kupwa na chumachimwe chakuyoyelaho.

⁵⁰ Kaha aze mali amandende aze ove walamanga, kanda kuwahaka mumboloso yove na kuwatulikamo, mwomwo veji navaya nakuweva. Talenu? Kanda, kanda kulinga ngachizeko. Kachi ove uwakwechi, engise mu chumachimwe. Kaha jino ove unatondo kupwa wakukunyuka kutwalilaho kuwengisamo. Kachi ove kaweshiko, mwomwoika, kanda kuwengisamoko, kala mwosena omwo.

⁵¹ Shikaho, kusekasana chili hakunyikika nakwimana ufuku uno. Kala kusekasana, chindende, muno mukaye, ili museteko

yakunyikika, mwomwo kaye kali museteko ya nakunyikika. Ove kaweshi kuhasa kwitavila ove lyavene . . .

⁵² “Jino, Nguli nakuya nakulama mali *amavulu*, Kulitungila lyamwaza, limbo lyalindende kumwe.” Nge, chize kupwa chamwaza, nanguya nakukulweka echi chili, mwomwo ya fulumende yinahase kulitambula, haufuku umwe.

⁵³ Mamalelo, vyuma evi tukwechi nge lisesa lyetu lyakusakula kupwa lyakulyenyeka, palanga kunyikika chivene! Etu twahashile kuhaka kufwelela chikuma mulisesa lyetu lyakusakula. Kaha, echi, Ngunashinganyeka chinapu chamwaza kufuma mufulumende. Oloze, hanga, lisesa lyetu kunyikika. Mwomwo, etu, lino lifuchi, vathu jetu, etu kupwa na mukanda wajishimbi, kaha eji jishimbi kupwa—kupwa wimanyino wetu. Oloze, ohonyi, muli chize, jishimbi jetu kulinyika, mwomwo jinapu lyehi jakuhokoka kapapa kakavulu. Mbozo mukulwane Roosevelt anehele ukalu kufuma muli echi. Shikaho, talenu, mwamono echi kaveshi kuhasa kuchihokolako. Echi chinapu kufwelela muli enu kuhakamo.

⁵⁴ Milingu, mama, yami, omu chili nakunyikika! Vathu kulipika, kaha kulipika, ka kulipika, ha milingu. Kaha valihata nenyi navaya nakuholoka, hali echi, kaha vathu vaze vapwilenga masepa vamwaza. Vakolokoko vamwe navakatuka, mokomoko muthumwe kuya kuli umwe wamulemu, mokomoko chumachimwe, kaha veka kukavangiza kusali yikwavo ya kukingiwa cha milingu, kaha vakiko navaya nakulipika na umwe namukwavo palanga vakiko kuholoka hali echi, milingu. Kaha Kangweshi . . .lutalililo Kangweshi nakukolesa kwivwa cha kalamuthuko, oloze Ngwashinagnyeka chumachosena kupwa kupola. Talenu? Eyo, mwane. Shikaho mwomwoika ove weji kulipikanga na kuholoka hachuma chimwe chize kacheshi chamwazako mukala jila? Echi chakwoloka. Echi chinapu chachipi.

⁵⁵ Muthuumwe ambile kuli yami likumbi likwavo, ikiye ambile ngwenyi, “Ove—ove muya nakuvotela echi kusakula?”

Ngwambile ngwami, “Ngwavotele lyehi.”

Ngwenyi, “Mamalelo, mu kusakula?”

⁵⁶ Ngwambile ngwami, “Ngwavotelele Yesu.” Ngwambile ngwami, “Nanguya nakumulweka. Kuze kwapwile vathu vavali vavotele hali yami.” Ngwambile ngwami, “Kalunga anguvotelele yami, kaha liyavolo anguvotelele yami. Kaha Ngwavotelele kupwa Kalunga, shikaho Yami nanguvotela yami kanawa.” Kungundamina ha hakuvota chenu, omu enu namuya nakulovoka.

⁵⁷ Shikaho, talisenu, kalinwaha vene, kusolola enu chindende kaha, kaha jino etu natuya nakuseza echi. Mu kusakula cha lifuchi chamakumishilo, omwo chapwile vene chakwinjikiza mu Chicago na vihela vyakuhandunuka, nge makina akiko

aji kuyanga nakuvota, nge, vakiko vawahakileko kuli vaka Democratic party, luze lwola lwosena ove wasakwile Mukulwane. Nixon, ove watela kuvotela Mukulwane. Kennedy, lwola lwolumwe. Shikaho, ove kaweshi na lihanyako. Kaha achinjikijile echi!

⁵⁸ Kaha enu mwevwanga ize *Monitor* ufuku ukwavo, omu vakiko vahakile chize—chize kutala kuhita mulifuchi, kufuma mu Mississippi, kumututuko. Mukulwane Nixon navuluka mukuvota, hali vawana na umwe. Kaha muthu wahasa ngachilihi? Kachi mwapwa mukulwane Kennedy, kachi chinapu mujila yoyimwe. Kangweshi kukala party ko.

⁵⁹ Party yami lili Mwilu, kaha Nguli hano vene na vakiko hano ufukuuno. Etu tunatwame muvihela vya Mumelu, kuhanjika hali Mwangana wetu.

⁶⁰ Oloze, mwamono, Nguli nakweseka kumilweka, vyuma kana vya mavu vili nakuchikima. Kakweshi numba... kaweshi kuhasa kuhaka numba lufwelelo muli vakiko. Vakiko vapwile vakuhona kulumbunuka. Kala chuma chize chakuzeneka kulumbunuka, Ngwatela kuzeza kufuma kuli echi. Kangwazanga chuma chakuhilwisa kunyima. Kangwazanga kufutula nakutwala kusali yakuzeneka ngolo. Ngwazanga chamangana, chipwe chipwenga kusali ya mangana.

⁶¹ Jino, chiyoyelo cha hembo chineza nakupwa chakuhona kulumbunuka. Munatachikiza, Ngwamwene chihanda likumbi likwavo, mumikanda yimwe kumwe, nge vaka America vakalukulula chikuma kuhambakana kala lifuchi muno mukaye. Kaha etu twatelanga kupwa lifuchi lya vakakulifukula. Eyo, chinahase kupwa ngachize, kulifukula, chosena chakwoloka, oloze echi kacheshi muyachi wa kwolokako. Talenu? Kulifukula chinapu kulifwika. Echi chinapu chachikalu kutachikiza chumamuka etu tweji kufwikanga. Alama esekele kutunga mafwo amukuyu, kaha kachazachileko. Echi chinapu chachikalu omu omu mulovoka nakuliwana na Kalunga. Shikaho kulifukula kacheshi kuliwanako. Oloze unahase kushinganyeka nge kulilukulula, chili helu kuhambakana—kuhambakana mafuchi osena, haseteko ya kulilukulula? Etu tunawane ujila kutambukisa membo etu.

⁶² Echi chapwile chakulimanyina kuwana, nge, chihanda chachinene hakutachikiza lifuchi, kaha mu...Ngwafwelela chapwile mu Ohio, nge kutalatala chapwile chakufuma muukulishitu, kaha echi chapwile chakuzungumuka hakuhona vamwe kavapwilenga vakuhona numba kuya kuliuka. Kaha jino, pamo eyite peseti ya vaze vayile kuliuka, vahonene kutachikiza mwomwoika vakiko vayile. Vakiko vanahono kutachikiza mwomwoika vakiko navaya. Vakiko veji kuya kuliuka.

“Mwomwoika ove muya?”

⁶³ “Chamwaza, mama ambachile omwo etu twapwile tuvanyike, kaha etu natutwalilaho kuya.” Kaha—kaha jino, jinonyi, peseti yikwavo ya chize, ambile ngwenyi vakiko vayile hali chize, mamalelo, kuliwana navaze valihata navo na kuhanjika shimbu. Talenu?

⁶⁴ Mwomwoika, echi chili nakuzungumuka! shingangaho kuyoya chahembo kuya nakufuma, talenu, kala kuyoya cha limbo chize kacheshi kuhona kuowa.

⁶⁵ Kala pwevo uze ali nakuya nakusomboka kuli lunga, kaha ikiye keshi wakukunyuka nge uze lunga ko, ikiye mwaya nakumuseza ikiye ukawenyi. Kaha kala muthu uze mwaya nakumbata pwevo, kaha keshi wakukunyuka, ove watela kuseza uka wenyi. Ove watela kulomba nakuhita, hali echi, palanga Kalunga kukuhana ove kukumbulula. Kaha jino chuma Kalunga nanungu hamwe echa kala muthu kanda akachihandununako. Oloze etu—etu, chatete, etu twatela kulomba nakuhita, hali chize. Eyo.

⁶⁶ Jino, etu tunawane nge etu tuneseka kwalumuna kwala cha shikola kaye ha kutanga, kaha etu tunapu vene majilo a echi, punduvene. Ove kaweshi kuhasa kwalumuna kaye kuli Kulishitu kuhichila mushikola. Kutanga chamukoka ikiye kufuma kuli Kalunga, kuhambakana chize chamukoka ikiye kuli Kalunga, mwomwo ikiye eji kwesekanga kushinganyeka ikiye apwa wautongwe kaha natachikiza kuhambakana muthuumwe. Kuwaha nge shikola, Kulishitu katumine liuka Lyenyi kutangisa kaye. Ikiye kanda lyehi avatangise vakiko, mangana vapwengana namashikola. Ikiye kanda alinge kut- . . . Mamalelo, vakiko vanapu vamwaza. Ikiye kavalwekele vakiko kuya na kutunga vipatela. Echi chosena chakwoloka.

⁶⁷ Oloze mulimo wa Liuka uli nakunangula Mujimbu wamwaza. “Yenunga kukaye kwosena, mukanangule Mujimbu wamwaza kuli tengeso yosena.” Talenu? Oloze kala chuma chakuhandunuka kufuma kuli chize, kupwa muukalu, mwomwo chinapu chakufuma kukwala cha Kalunga.

⁶⁸ Chize kuyoya cha kuzeneka kulumbunuka. Chamwaza, kaye kali kakuzeneka kulumbunuka. Etu tuli kaha nakuyoya muchihela muze kaye kosena kupwa na kusoloka, kusoloka nge, kosena kulinyika. Kala lifuchi, kalamuthu, umwe ali nawoma wa umwe namukwavo. Vakiko kuhanjika kuunda.

⁶⁹ Vakiko vapwile, lwola lumwe, vakiko vambile ngwavo, “Mamalelo, omwo etu tweji kuzungisanga Jita Yatete ya Kaye, nge vosena vanyike vamaalunga vatela kuya kuze, kaha chize nachiya nakukumisa jita.” Mwomwoika, vakiko vahonene numba kufumisa wishu uze wapwile wauvulu mupeho palanga vakiko wapwile hali umwe naukwa.

⁷⁰ Jino vakiko vapwile na League of nations, kaha chize chapwile nakuya ku tupokola muno mukaye, kaha kuholoka.

Jino vakiko vakwechi U.N., kaha echi chili chuma chochimwe. Echi chinalingika nakuhita. Kakweshi chuma chakulinga na echiko.

⁷¹ Vyuma vyosena kupwa mukuchikima; kuyoya cha lifuchi, kuyoya cha milingu, kuvwota cha makina. Mamalelo, yami! Vakiko vali kaha... Chuma chosena chili chakunyikisa, vyumavyosena.

⁷² Jino Ngwatondo kuneha echi hamavu chindende mukuchivwushisa. Talenu? Kuyoya cha Liuka kunyikika nakupwa mukuzeneka kulumbunuka. Jino, omu mukiko Paulu apwile nakuhanjika. Talenu? Muze mukiko ikiye alumbunukila, “Kachi ndolombita nayihana chivwumino chakuzeneka kulumbunuka.” Kuyoya cha liuka kunyikika. Vathu vanahono kutachikiza na mwakulingila. Vakiko kuya, kukimbwojoka kufuma muliuka nakuya kuliuka, kweseka kuwana hiya akwechi chuma chakwoloka; kufuma kupanda nakupanda, kweseka kuwana chumamuka chakwoloka, kulihi kuli kunangula chakwoloka. Kaha umwe kuya nakujinguluka, kaha vakiko kuhasa kulumbununa, kupwa kaha kukala mutwe wa kutangisa cha vathu, chili chakwoloka. Kaha jino, chuma chatete munatachikiza, vakiko kuwana kupola muli chize, palanga vakiko kweseka liuka likwavo, kumona kutanga chauthu chika, kunangula. Mamalelo, vyosena evi, etu tunawane nge etu tunahokoka etu vavene jino, hali vyuma kana, jihandulendi ja kuhandunuka viyulo vya liuka. Jino, kakweshi chuma chakufumbukila chizeko. Echi chili kaha vakiko vanahase kulinga vyuma vikwavo, kahajino, nge vakiko veji kulinganga, kaha kwatela kupwa chuma chimwe chamwaza kulovoka muli chize, kumwe.

⁷³ Oloze, mwamono, ove kaweshi kuhasa kuhaka lufwelelo lwove muli kuhanjika, “Ngwapandama ku lizavu lya va Mesondisiti, kaha Nguli—Nguli wakwoloka mwomwo Ngwapandama kuli echi.” “Ngwa—Ngwa—Ngwapandama ku lizavu lya va Mbaputishiti, kaha Yami nguli kanawa.” Enu kamweshi kuhasa kulinga ngachizeko.

⁷⁴ Ove kaweshi kuhasa kulinga ngachizeko omwo ove muhanjika “kupandama ku lizavu lya va Pendekosita.” Ove kaweshi kuhasa kulinga chizeko. Ove kawatela kulinga ngachizeko, mwomwo keshi ngochoko. Etu tunawane nge omwo lizavu lyetu lyatete lya Chipendekosita, Kasulu Yayinene, vatwamine muchiyulo, echi kachapwile kushimbulako palanga vakiko vapatukile kufuma *kuze*, na kuhokola kufuma *hano*, na vyuma, na vinangwilo. Kaha jino tala hali echi, kwosena. Talenu? Echi nachiya nakusoloka nge echi chinapu chakuhona kulumbunuka. Vaze vanafwelela muvikingulwilo kaha, echi chili—echi chili kuzeneka kulumbunuka.

⁷⁵ Jino, ove unahase kuhanjika, “Ndumbu walunga Branham, ove uli nakumbata etu lihinji lyalinene hano. Ove unali nakukwita ulombo ulava wa chifwanyisa.” Kaha Ngwafwilile kulinga ngachize. Ngwatondele kulinga echi.

⁷⁶ Ngwalingile echi kupwa pungu, mangana Nguhanjike echi. Kuliko chuma chimwe chimwe? Eyo. Kuli chuma chimwe chize chili chimwe. Mamalelo, Ngunawahilila hali chize, chize kuli chuma chimwe ove unahase kuhaka lufwelelo lwove, kaha pwako wakukunyuka nge echi chakwoloka. Mamalelo, omwo vyuma vyosena navikahita, *Echi* nachiya nakwimana. Kachi enu namuya nakutanga Mukakujila Mateu 24:35, Ikiye ngwenyi, “Melu na mavu nawakahita, oloze Lizu Lyami kalyeshi kuhonako.” Kalunga atwama na chikuku chimwe.

⁷⁷ Kaha mukwetu wakashinakaji, ambile ngwenyi lwola lumwe, apwile kashinaaji ulava kushikumuka ku Sango. Ikiye kulongejeke Mbimbiliya, kaha ikiye kahashile kutangako. Kaha vakiko vambile ngwavo, “Mwomwoika ove uli nakulongejekele, Sam?”

⁷⁸ Ikiye ambile ngwenyi, “Echi—echi chinapu Mbimbiliya Yakujila.” Ngwenyi, “Echi vachisoneka hali Echi.” Kaha ambile ngwenyi, “Ngwafwelela Echi, kufuma kukuputuka nakumakumishilo, kaha kufwelela nakumaputukilo nawa,” ikiye ambile ngwenyi, “mwomwo echi chili na ‘Mbimbiliya Yajila’ yasonekele hali echi.”

⁷⁹ Kaha uze mukweze apwile nakuhanjika kuli ikiye, ngwenyi, “Ove kawafwelela vyosena vili muli Eyiko?”

Ambile ngwenyi, “Eyo, mwane. Pundu vene ngweji kulinganga.”

⁸⁰ Ikiye ambile ngwenyi, “Jino, chamwaza, ove unalumbununa nge ove watela kulinga chuma chimwe chize Mbimbiliya yahanjika ngocho?”

Ikiye ambile ngwenyi, “Eyo, mwane.”

⁸¹ Ambile ngwenyi, “Ngachilihi nge eyi Mbimbiliya yahanjika hali Sam kutumbuka kuhita muli lize lilolwa haze? Ove muya nakulinga ngachilihi?”

Ikiye ambile ngwenyi, “Nanguya nakutumbuka.”

⁸² Ikiye ambile ngwenyi, “Chamwaza, jino, nauya ngachilihi nakuhita mumbango ya lilolwa chakuzeneka wina muze?”

⁸³ Ikiye ambile ngwenyi, “Kachi eyi Mbimbiliya yahanjika hali Sam kutumbuka, nakuya nakupwa wina muze omwo Sam mwaheta kuze.” Shikaho, chize, chize chili kaha chakwoloka. Kuze kuli wina kuze.

⁸⁴ Chuma chimwe ove watela kulinga shina kutambula kwimana ha Lizu Iya Kalunga, kaha Kalunga mwaya nakutunga jila ya kunoka. Mamalelo, chize Chikuku chachinene!

85 Ngwafwelela Ikiye ambile ngwenyi, mu Luka, Ngwafwelela chapwilenga, kuze kwiza nakushikumuka kufuma kupili, Ikiye ahanjikile kuli tumbaji, “Nyi vathu ngwavo Yami Mwana muthu nguhiya?”

Kaha umwe ngwenyi, “Yelemiya,’ kaha ‘tupolofweto,’ kaha na vyangocho.”

Kaha Ikiye ambile ngwenyi, “Oloze enu mweji kuhanjika nge Yami hiya?”

86 Muze mukiko Petulu atungile hanjikiso yakulimanyina, “Ove yove Kulishitu, Mwana Kalunga wakuyoya.”

87 Ikiye ambile ngwenyi, “Wakukisula ove, Shimona, mwana Yona, mwomwo nyama na manyinga kavyakusolwele echi kuli oveko. Oloze Tata Yami ali Mwilu nachisolola echi kuli ove. Kaha hali eli lilolwa Nangukaya nakutungilaho Liuka Lyami, kaha vikolo vya hetese kavyeshi kahasa Kuchifungulula ko.”

88 Chuma muka echi jino? Ha kusoloka cha muchano cha Lizu lya Kalunga. Mwomwo, “Kukuputuka kwapwilenga Lizu, kaha Lizu lyapwilenga na Kalunga hamwe, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama mukachi.” Kaha echi vachisolwele kuli Petulu nge apwile Kalunga wakwinjikiza kupwa Lizu. Amena.

89 Ou ukiko mulonga Ikiye nahase kuhanjika, “Hiya nahase kungupaisa Yami ha shili? Hiya nahase kunguhana mulonga Yami? Vyuma vyosena eli Lizu linasoneka kuli Yami, Ngunazate echi.” Kalunga nenjikiza echi, nge Ikiye apwilenga lize Lizu. Mamalelo, mukiko kaha. Kalunga nasolola, eli Lizu kuhanjika ngocho, kaha jino Kalunga kuchilingisa kupwa chamwenemwene, kuneha echi nakuhita, kusolola echi.

90 Myaka kunyima okwo, omwo vakiko vahanjikile kuliuka, “Kakweshi chuma chakufwana nge lujimiko lwa Shipilitu Wajila, chize chinapu kaha chakwivwa chize vathu kuzachiwa vavene,” oloze vaze vanatambula Echi, kutachikiza nge apwile muchano. Vakiko vatachikijile Kalunga apwile wamwenemwene. Kaha echi vanachinjikiza, palanga, lelo, kutambuka cha Chipendekosita cha kuzauka mafuchi, chinanehe vavavulu muli Kulishitu kuhambakana vozena muli vakiko.

91 *Our Sunday Visitor*, keshi kunyima chikumako, lipapilo lya Katolika, ngwalyo, Ngwafwelela apwile mwaka shimbu kanda makumishilo, mokomoko mwaka unahichi, umwe, nge, “Eli liuka lya Katolika lyasonekesele kaha chimbwa cha miliyoni vanalumuka. Kuze, va Pendekosita vasonekesele miliyoni, faifi handulendi sauzande.” Amena.

92 Chuma muka echi? Echi chinapu chuma chakukula, Lizu lya Kalunga, kutanjisa kwosena. Omu twasakwilila etu twatela kupwa! Echi chili chikuma, palanga, numba jino

va Episcopalian, Pulishitelyani, Luteleni, na vyosena, vali nakwiza nakupwa na Echi. Mwatalisa mu kuliwana chava Business Men, enu mwevwa vakiko kuhanjika hali vamwe vakuhandunuka: va Episcopalian, Luteleni, Pulishitelyani. Mwomwoika, ove unapu chachindende kwivwa nge va Pendekosita kulinga chumakana cheka. Echi chakwoloka. Echi chili vosena veka. Mwomwo mwomwoika? Vakiko vamwene kuzeya chavo cha jishimbi javo, kaha vakiko vakindulukile ku Lizu. Enu namuwana chikuku, chumachimwe chize kacheshi kuhasa kutambukako.

⁹³ Kuwana muze, ou Shipilitu Wajila kuyoya Chenyi muuthu, kulisolola Lyavene kukaye. Kaha echi cheji kulingisa vathu kupwa na pwila hali Ikiye: kuzeneka kunyikika, kuzeneka kulipula jipami, eli Lizu lya Kalunga kusoloka na kusolwesa Lyavene, eli Lizu Livene kupwa lya kuyoya kuhichila mu chiyoyelo chauthu. Chuma kana chamwaza! Kakweshi chuma chakuzeneka hali chize. Enu munahase kumona nge Kalunga Shikile lushiko, kaha hano jino luli nakusoloka. Myaka handulendi kunyima okwo tupolofweto vahanjikile hali echi, kaha hano etu twamono echi kwiza nakuhita.

⁹⁴ Kuhichila mukutoleka chosena, kuhita mwosena muvihanwa, kuhita mwosena mujishimbi javathu, omu vakiko veji kwesekanga kulovoka kufuma mu Lizu lya Kalunga! Omwo vakiko vesekele kushishisa kutanga. Vakiko kweseka kushishisa, kulingisa chikungulwilo. Vakiko vali muchimbalanganyi vavene. Kaha kufuma muli chize, eli Lizu lya Kalunga hanga lyemana kupwa kaha nakumuyika kaha zwalala nge omu lyapwile. Chuma muka echi? Echi chinapu chuma chimwe chize. Kalunga ambile ngwenyi, “Melu osena na mavu navikahita, oloze Lizu Lyami kalyeshi kahonoko.” Jino, chize chinapu chumachimwe chize chinapu chakulumbunuka. Kachi ove unatondo kujikilila ove lyavene, kujikilila mu Lizu mumuchima wove.

⁹⁵ Ndavichi ambile ngwenyi ikiye achiswekele Echi mumuchima wenyi, nge ikiye keshi kuhasa kulinga shiliko. Ikiye asonekele jishimbi Jenyi ha kahela, na kuvakashila vakiko mumavoko eyi na kwosena, kuhaka Lizu Lyenyi lwola lwosena kumeso eyi. Omu mukiko mujila. Lama vishinganyeka vyove kutwalilaho. . .

⁹⁶ Kalunga amulwekele Yoshiwa, “Kanda kwalumuna kuchilyo mokomoko kuchimoswe, kufuma kuli Echi. Kahajino ove muya nakulingisa jijila jove jakufukila. Jino enu mwatela kupwa nakuhasa chamwaza.”

⁹⁷ Kaha omwo liuka lyosena kulinunga livene hamwe kufuma ku jishimbi jauthu, kaha hali eli Lizu lya Kalunga, jino eli liuka naliya nakupwa nakuhasa chamwaza. Chize nachiya nakupwa chumachimwe chize nachiya nakulovoka kufuma mu communism.

⁹⁸ Chuma muka cha communism...? Chuma chivene, Enu mwashinganyeka “communism,” omu vakiko kutanduula hanjikiso yavo, kaha kukula nakutalyangila, ha jimiliyoni, na vathu kwivwa woma hali echi: nge kuzachila hamwe na kufwa. Echi chatela kupwa. Communism, vakiko echa valinge *echi*. Vakiko vanahase kulinga *chize*. Ngwafwelela Kalunga mwaya nakuchizachisa, oloze, echi chakwoloka, nge muze alingile Ikiye Nevukataneza. Ikiye mwaya nyamanganda, ize—ize...mwila wosena, kulovoka, na communism. Oloze, chize...Nduma, chikuma hali chize. Oloze, tala. Oloze chuma, communism, nachiya nakupwa namakumishilo. Communism nayiya nakwiza kumakumishilo.

⁹⁹ Oloze eli Lizu lya Kalunga kalyeshi na makumishiloko, mwomwo Kalyapwile na maputukiloko. Amena. Ali Hayamyaka na Kalunga. Kaha kachi ove uli wakukashiwa, kaha eli Lizu lili lyakukashiwa muli ove, ove unapu Hayamyaka na Lizu. Amena.

¹⁰⁰ Echi chatela kwiza kumakumishilo. Vyuma vyosena vili nakunyikisa. Chipwethuhu navatunga ngachilihi mukutnga panda echi chili kuya nakuholoka hamavu. Vyuma vyosena vize kavyeshi vya, kufumbukila eli Lizu, mokomoko kulimbalaka na echi, vyatela kutambuka. Nachiya nakupwa chihela, mwomwo eli Lizu lili nakwiza nakuhasa. Kakweshi chuma chinahase kwimika Echi. Kalunga nalingi ngocho.

¹⁰¹ Omwo Ikiye mwahanjika Echi, melu na mavu nawakahita, oloze Echi kacheshi kuhasa kuhonako. Sweka lize Lizu mumuchima wove, omu mwakumbachila lize Lizu na kwecha Eli kukula. Lamenu Echi muvishinganyeka vyove, lwola lwosena, mwomwo Kalyeshi kuhonako. Lizu lya Kalunga kalyeshi kahonako, mwomwo Ikiye ngwenyi Echi kacheshi kuhasako. Shikaho etu twatondo kulama echi hali chize.

¹⁰² Jino, Paulu ngwenyi, mu Visoneka, nge kulongesa liswalale, liswalale na chivwumino. Jino, liswalale atela kulinangula vivumo vya...ngezo mokomoko luneta. Ikiye katachikijileko kachi luneta nalwimba, kwimba, chipwe na—na kuya mokomoko kuhiluka. Kachi ikiye katachikijileko chihandwa, kaha namupwa namuyachi uka wa maswalale? Uze mukakole nahase kuhasa ha mukuta wa maswalale vaze vakuhona kulongesa kanawa kuhambakana chize. Amena.

¹⁰³ Ou ukiko ukalu na mauka etu lelo. Etu tuli vakulongesa lyehi ha jishimbi jauthu, kulikoka umwe namukwavo.

¹⁰⁴ Etu twatela kulinunga. Etu twatela kutachikiza luneta. “Kahajino nyi ndolombita chuma muka?” vakiko ngwavo. Luneta lwa Mujimbu, ikiko Vene. Eli Lizu lya Kalunga wakuyoya linapu Luneta. Kanda kuli futula chumako na Echi.

¹⁰⁵ Kanda kupwa namuthu umwe kwimba kalyalya ka chi French, kaha umwe weka kwimba ngezo. Naumwe pimbi natachikiza mwakulingila. Echi chanehele chimbalanganyi.

¹⁰⁶ Kaha Paulu apwile nakuhanjika ha kulilongesa muthu kuchivumo. Kaha kupwa kaha na chivwumino chili, ikiye atachikiza vene mwakulingila, mwomwo vaze tututu vakwechi jishimbi, kaha kufuma kuli mwangana wa tupitawu. Kaha omu ikiye mwavumisa elu luneta, uze liswalale atachikiza chihela na—na kusongo kaha nahaze hakukumina, kaha chipwe kwalumukila kuchilyo mokomoko kuchimoswe, mokomoko chumamuka chakulinga, ha kuvuma cha luneta.

¹⁰⁷ Jino, maswalale, jita, ili lwola lwosena yinapunga jita. Etu katwalinungile na Liuka, mokomoko kwiza nakwingila mu Liuka, kwiza nakuhema mangongo. Etu twatela kutachikiza etu tuli nakwiza ku chihela cha jita.

¹⁰⁸ Kanda lyehi nguyenga kuli vathu kunguveta hanyima nakuhanjika, “Ndumbu walunga Branham, ove uli muthu wamwaza.” Nduma, mwane. Ngwejile kuze na lukepwe ngwawale. Kangwatondele lukepwe hali chizeko. Ngwejile na litepa na vitwa. Ngwejile nakuzunga, kuzunga kala tambo yamavu.

¹⁰⁹ Kalunga alwekele Yoshiwa, “Kala chihela vipundo vya mahinji ove nawakalyata, chize Ngunakuhanecho ove.” Shikaho, jitambo kulumbununa luheto.

¹¹⁰ Kaha omwo liuka naliheta hachihela, chalivwasanyine na jishimbi jauthu, na kulivwasana na Lizu, kaha kulivwasana na kaye, Ngunatwale nge, jino chinapu kujimbalisa mavu. Echi chinapu kukindulwisa.

¹¹¹ Chuma etu tunatondo ufukuuno shina maswalale nakuheta lushiko lwa Ukalunga wa eyi Mbimbiliya, nge Kalunga ashikile ku Liuka, chitwa chosena cha Kalunga, na kwimana. Echi chili chuma etu twatondo, maswalale; keshi kupwa na uvwalo wakulifwana nakuvwala kupwa hamwe, lwola lwosena kupwa mwakuhandunuka. Omu muthu. . .

¹¹² Kala lifuchi, etu kupwa na vandoji kuhita mulifuchi lyosena. Etu tukwechi vandoji vamu German hano. Etu tukwechi vandoji vachi ingilishi hano. Etu tukwechi—etu tukwechi vandoji mu England. Chuma muka vakiko kweseka kulinga? Vakiko vali nakweseka kuwana chumamuka muyachi wa vyuma, muyachi uka wa chimbumbwe, mukwavo kupwa nacho. F.B.I. ali hakamwihi na kala lifuchi. Vakiko vali nakutala, kumona. Omu mukiko vatela kuyoya. Vakiko kutala na kumona muyachi muka wa mutelembi yikwavo kupwa na chize. Kahajino vakiko vejile na kuchilingisa kupwa kanawa, mokomoko kulinga chuma chimwe chakuzata. Vakiko kavafwelela umweko, mu mafuchi, mwomwo chize chinasoloka nge mafuchi ali nakunyikisa. Mwomwoika, England nayituvika, mu ola, kachi etu kupwa kuzauka jila, mokomoko etu kupwa nakutuvika. Kumbata muthu umwe kupwa mutwe wa chumakuze, kupwa na

kunwa chindende mokomoko tuvali, nawa vavavulu, mokomoko kuholoka na chumachimwe, kaha jino nachiya.

¹¹³ Hano keshi kunyima chikumako, vakiko navahanjika, chihanda chachindende, “Kutunga mu Japan,” mulwola lwa jita. Vakiko kuvumisa lipito hamavu, kaha kutambuka nakujinguluka, kuya kulutwe. Kaha jino ove muya nakufweta ndando yayinene hali echi kuhambakana kalachuma ove mulanda mulifuchi. Chasolokele ngachilihi? Chize cheji kufweta chiyoyelo cha vaze vanyike vamalunga vaze vafwile kuze? Punduvene chiku.

¹¹⁴ Chumamuka echi? Kangwalizakaminako kangahi nakuzunga na vyuma, ove uli nakuya, echi kacheshi nakutwala kuchumachimwe. Nachiya nakunyikisa. Oloze kuze kuzunga chimwe chize ove kupwa nakwingila na kungalanya mavu aze kanda kuya nakufuma kuli ove. Ou ukiko Mujimbu wamwaza weji kwimbanga cha Luneta lwa Lizu lya Kalunga, kaha ali na kuheta mawana na jishiko jize Ikiye ahanyine ku Liuka. Punduvene mukiko chili. Jino, etu tunawane—etu tunawane, kuhana eyi luneta kuvuma.

¹¹⁵ Jino, kala lifuchi kweseka kukwata vanyike vamalunga kupwa mukingo wamwaza vakiko vakwechi. Jino, Ngunatachikiza, lwolalumwe avi vitwa kavyeshi vyavyavishiko kulongejeke.

¹¹⁶ Ngwapwile na ndumbu walunga, “Rookie,” vakiko navamanyikile ikiye, kuya nakulovoka hano, kaha uze liswalale navamuhana mukuta wavyo wa nayite poundi kunyima yenyi. Kaha chize chinapu hakamwihi nakulema chenyi. Vakiko navamuhana na fwosholo, yakifulisa nacho wina; uta, na mukuta wamitelembe yakwasa namavoko. Kaha, mamalelo, Kanda lyehi ngumone kaze kalongejeke! Uze mukwetu wamundende kahashile numba kutambukako. Kaha vakiko kumumbata nakumushikumwisa mujila ha milosi. Kusoloka nge navimujih. Ikiye ambile ngwenyi, “Chuma muka echi chakuzeneka mangana? Chuma muka Ngunatondo na eli litepa lyalinene lya mwaka?” Jino, tala. Maswalale vatachikiza nge ikiye mwaya nakutonda lwola lumwe. “Chuma muka Ngwatondo na fwosholo, kuze mujila, kutambuka?” Chamwaza kupwa wakuzachiwa kuzachisa echi. Ove unahase kulinga echi.

¹¹⁷ Eyi fulumende kayeshi kuya nakupwa na ukalu kakweshi chuma kuvangila ove kutachikiza. . . vakiko kutachikiza ove uli nakuya nakuzachisa. Ove watela kulilongesa hali chize. Vakiko kuwana chuma chamwaza vakiko vawanyine, kukukinga ove na, mwomwo vakiko vali nakufwila mu lifuchi. Vakiko vanakufwila muli enu kupwa wakujilika nge enu kuhasa, kufuma vilyanga. Chize lwola lwosena chinapu ngachize.

¹¹⁸ Echi chaputukile muze mulitepa lya Milemba. Kaha Kalunga embile Liuka Lyenyi. Kaha va . . .

¹¹⁹ Munatachikiza, etu lwola lwosena twatela kupwa na kukakachila. Jino, jindeke ja mwaka etu twapwilenga nakuzachisa kunyima mu Jita Yatete ya Kaye; Jita ya Muchivali ya Kaye, mwomwoika, vakiko vavandende kungongomweza mupeho apwile hamwe, omwo vakiko vahakileko punga yayinene yamwaza vakiko vapwilenga nayo. Mwomwoika, vakiko kavapwile chumako. Kaha jino, vaze vakiko vapwilenga kaha muli eyi jita yamakumishilo, jino vakiko vanapu vakakuvilika. Vakiko kavazangile vakiko chekako. Vakiko vapwile na ndeke. Kaha, kutala, ove unapu lwolalwosena kweseka kwinjikiza, kwinjikiza ha chuma kupwa muingo.

¹²⁰ Oloze munatachikiza chumamuka? Kalunga keshi na kuhasa kwinjikiza. Kalunga ahanyine vana Venyi, maswalale Jenyi, chuma chamwaza chize vanahase kuvahana vakiko. Omwo Ikiye avahanyine, chuma muka Ikiye avahanyine? Ikiye avahanyine Lizu Lyenyi mulitepa lya Milemba, kaha muthu apwilenga nakulijilika lyavene kunyima ya Lizu lya Kalunga, kaha kakweshi liyavolo nahase kumumbata ikiye. Twama mu Lizu.

¹²¹ Jino, mukakole wa, Satana, kweseka kuwana chuma muka ikiye nahase kulinga kuhokola chize. Shikaho ikiye—ikiye atachikijile nge kahashile kwiza na kumuvwisa woma ikiye, shikaho chuma chimwe kaha ikiye ahashile kulinga shina kumumbachila ha kushinganyeka chenyi. Kaha omu mukiko Kalunga eji kuzachisanga na lelo, na kujilika Liuka Lyenyi, linapu Lizu Lyenyi. Kaha Satana ejile nakujinguluka na kushinganyeka ngolo. Satana atachikijile nge vapwile na wina. Chize chapwile chihela vaze vathu navahasa kuhokola chawashi, apwile na kujinuoka.

¹²² Ove ngwove, “Jino, echa yami ngupwenga kaha na ove. Jino echi chili chakutamo?”

¹²³ Kachi Kalunga ambile ngwenyi chapwile chakutamo, echi chinapu chakutamo, chipwe etu kupwa nakulila, kaha boohoo, kaha kulinga vyosena *evi*. Kachi Kalunga ambile ngwenyi elu lujimiko lwa Shipilitu Wajila luli chakutamo, Kangwalizakaminako omu chalema Echi chili, kaha chili ngachilihi mukaye enu kupwa nakuhana, ove uli nakuya nakupwa na kuzachisa Echi, likumbi limwe hali awa makumbi, kutwama wakuyoya. Jila kaha ya kuyoya.

¹²⁴ “Jino, etu twatela kulongesa kuka cha Ukalunga, omwo etu tukwechi mandotolo vamwaza mukaye?”

¹²⁵ Kalunga akuhanyine kuka cha Ukalunga mwomwo Ikiye atachikiza ove watela kuzachisa echi. Ikiye akuhanyine mawana a Shipilitu.

¹²⁶ Kaha haze vene Satana engilile hali Eva, ikiye aputukile mulonga na ikiye. Jino, “Punduvene, punduvene, Kalunga keshi kuhasa kulinga *chizeko*.”

127 Vathu ngwavo lelo, “Kakweshi chuma chakufwana nge hetese.” Vavavulu veji kumilweka enu chize. Talenu? “Mamalelo, punduvene Kalunga keshi kuhasa kuwema na vana Venyiko.”

128 Punduvene, Ikiye keshi kuhasa kuwema na vana Venyi ko. Oloze liyavolo mwaya, venyi. Uze mwana ove hiya? Echi chikiko chuma chinashishiho. Hetese vayisonekele kuli liyavolo na vana venyi, keshi vana va Kalunga ko. Keshi umwe wavo kuya kuze. Echi chakwoloka. Echi chinemanyina ha mwana ove uli.

129 Jino, Kalunga ahanyine Eva na Alama Lizu Lyenyi, kaha Ikiye kanda lyehi alumuke Echi. Ikiye lwola lwosena apwilenga na . . . Ou Mukakulishitu, mokomoko mukakufwelela, Mukingo napu Lizu.

130 Melu na mavu nawakahita. Kala jishimbi jauthu kuya nakuhita. Kala chikungulwilo kuya nakuhona. Kala lifuchi naliya nakujimika. Oloze Lizu Iya Kalunga nalimana, Hayamyaka. Kuli nakuya nakupwa lwola omwo tanganyika wa chimene kaweshi kuhasa kumunyika chekako. Kuli nakuya nakupwa lwola luze musana kaweshi kuhasa kumunyikako, kaha kakweji kaweshi kuhasa kumunyikako, kaha kaye kakeshi kujingulukako.

131 Oloze Lizu Iya Kalunga hayamyaka nalikasavala mwomumwe. Eyo. Chize chinapu chumachimwe chize kacheshi kuhasa kutambukako, chumachimwe chize enu kamweshi kuhasa kukundamina. Echi chili vene. Kalunga kuhanjika kalachuma, echi chili vene nakusoloka.

132 Kachi Ikiye ambile ngwenyi, muze mulitepa Iya Milemba, mwomwo Mukakusokola, Ikiye mwakaya nakutuma Meshiya, apwile wakukunyuka kwiza. Chipwe myaka fwo sauzande vakiko vavandaminyine, oloze Ikiye ayile kuze. Ikiye atelele kwiza mwomwo apwilenga Lizu Iya lushiko Iya Kalunga.

133 Kalunga ashikile kutuma Ikiye cheka. Ikiye mwaya nakupwa hano. Kangwalizakaminako vangahi vakashili kaha vakamakuli kukatuka, kalachuma mvakiko veji kulinganga, communism yingahi kutanduuka, Yesu Kulishitu mwaya nakwiza, kaha kumbata Liuka lize lyakukosa na Manyinga, kaha kulitwala muutanganga na kwingila Mwilu. Mwomwoika? Echi chili cha munganji. Lizu Iya Kalunga ngwalyo ngocho.

134 “Kachi ove mufwelela, vyuma vyosena vinashiwa.” Chize chinapu vene. Kalunga ahanjikile ngocho, kaha kacheshi kuhasa kutambukako, kacheshi kuhasa kufumisako. Kalunga ambile ngwenyi shikaho, kachi ove muya nakutwama na echi (Jino . . .) kaha pwenu nalufwelelo muli echi, fwelela echi.

135 Echi kacheshi kuvwuma chakutamoko. Kalunga keshi kuhasa kuhana kuvwuma chakutamoko. Jishimbi jauthu jinahase kuhana kuvwuma chakuzeneka kulumbunuka. Vikungulwilo kunangula kuvwuma chakuzeneka kulumbunuka. Oloze Kalunga keshi kuhasa kuhanjika chuma chakuzeneka

kulumbunuka. Kaha eli Lizu linapu Kalunga. Kaha echi kacheshi kupwa chakulumbunukako hali Echi. Echi chinapu kala kusuma kupwa chakulumbunuka.

¹³⁶ Jino, Liuka lyalinene lili lyakuvwala vitwa vya Lizu. Jino, omwo Yesu ejile, Ikiye eji kuzachisanga vitwa vyovimwe? Ikiye punduvene alingile.

¹³⁷ Omwo Satana ejile kuli Ikiye, mu ngolo jenyi josena, kaha ikiye ambile ngwenyi, “Kachi ove unapu Mwana Kalunga, *linga vimwe, vyuma vimwe.*”

¹³⁸ Ikiye ngwenyi, “Echi vachisoneka . . .” Haze vene ku Lizu. Satana esekele Ikiye kupwa helu chikuma. Oloze, Yesu, haze vene na Lizu, “Echi vachisoneka . . .”

¹³⁹ Kuze Ikiye atulikile, hali lize Lizu, kusolola kuli etu kupwa chakutalilaho. Nge omu Ikiye ahanjikile mu Kolinde Watete, chatete . . . Mukakujila Yowano 14:13, “Ngunakuhane chakutalilaho.” Kaha echi chinapu chakutalilaho, nge etu twatela kwitavila, etu twatela vene kuhaka kufwelela mu Lizu lya Kalunga. Echa vyuma vyosena vinahase kupwa makuli. [Hatepu hapimbi—Muka.]

¹⁴⁰ Chize chinapu chumachimwe chize chinapu chakulumbunuka. Kalunga ahanyine lushiko. Kalunga ali nakuya nakulama lushiko. Vakiko ngwavo, “Echi nachipwa ngachilihi *echi* kusoloka? Kaha Ikiye mwapwa ngachilihi na lizavu lya vathu hamwe, na likoji lya Kuhukula, kuya nakukanduka?” Ngunahono kutachikiza omwo Ikiye mwaya nakuchilinga. Echi kacheshi mulimo wamiko wakulomba omwo Ikiye eji kuchilinganga. Ou unapu mulimo wami kupwa wakulizanga hali echi. Ikiye ashikile echi. Echi nachiya nakusoloka. Kumwanga Liuka Lyenyi ha Lizu.

¹⁴¹ Kaha chuma chatete chapwile mulonga. Jino vakiko ngwavo, “Echi kacheshi chamanganako jino, kachi Ngwapandama kuli *eli* liuka, echi kacheshi chamwazako nge *lize* liuka?”

¹⁴² Kuli kaha Liuka limwe ove unahase kupandamako. Ove kaweshi kuhasa kulinunga na Echiko. Ove unahase kulinga na mwakulamina vangeji, mwakulamina vangeji ya Mesondisiti, kaha na mwakulamina vangeji mu Pulishiteliyani, kaha na mwakulamina vangeji mu Mbaputishiti, na mwakulamina vangeji mu Pendekosita. Oloze ove unasemuka mu Liuka lya Yesu Kulishitu, shikaho kuli Liuka.

¹⁴³ Vize vinapu mwakulamina vangeji, kuze vathu kwiza hamwe, nge makololo kutwama hali *uze* mutango, kaha tutela kutwama hali *ou* mutango, na—na vyangocho. Chize chikiko kulikata chove uli nacho hamwe, omu ove muli nakulya chimwe.

¹⁴⁴ Oloze omwo nachiza ku Liuka lya Yesu Kulishitu, kuli kaha chihela chimwe. Echi chinapu Kusemuka. Kusemuka!

¹⁴⁵ Chinapu kaha nge muthu, nge omu ngunahanjika kapapa kakavulu, nge kajila wilava kutwama ha mutango, kweseka kulisomeka mangona a kalukuluku, kaha kuhanjika, “Mwamono, Nguli nakulinga nge kalukuluku.” Talenu? Ikiye nalisomeka aze mangona muli ikiye, lyavene. Kachi ikiye apwile kalukuluku wamwemwene, chisemwa chenye nachineha muyachi woumwe wamangona.

¹⁴⁶ Kachi eli Liuka lya Kalunga wakuyoya likiko Liuka lya Kalunga wakuyoya, Naliya nakuhaka Lizu lya Kalunga wakuyoya. Ove kaweshi nakulinunga mangona akalukuluku ko. Kaha kala mangona muze nawaya nakulinunga na kalukuluku. Ove unahase kufwelela echi. Kaha kala lingona amwe ali nakulinunga mu Liuka lya Kalunga mwaya nakupwa Lizu lya Kalunga. Ikiye mwaya nakulingisa kalachuma nawa oloze eli Lizu. Amena. Mwomwo, chisemwa cha Shipilitu kulihaka Lizu kaha. Amena. Nguli nakwivwa nge kulifukula. Chakwoloka.

¹⁴⁷ Keshi chumamako ove uli nakweseka kulinga, kaweshi nakutungako. Ove kaweshi kuhasa kutunga-. . .Ove kaweshi kuhasa kutunga ulwilo ko. Ove kaweshi kuhasa kutunga mawanako. Ove watela kwima mawana. Punduvene. Talenu? Uze—uze mukoko katwama, ikiye katunga ungonako. Ikiye akwechi ungonu mwomwo ikiye napu mukoko. Ikiye eji kusoka ungonu. Uze—uze—uze mutondo wa cherry kawatunga aze ma cherries ko. Ukiko weji kuneha cherries, mwomwo kuyoya chacho chili mujila kana.

¹⁴⁸ Kaha Liuka lya Kalunga wakuyoya kalyahakile muli Echiko, kweseka kulilingisa vavene kusoloka nge chumachimwe. Vakiko vali lyehi chuma vakiko vali, ha likoji lya Kalunga. Kaha eli Lizu lya Kalunga vanalinungu na vakiko, kaha vakiko vanalinungu na Lizu. Kaha milimo ize vayinehele muli uze umwe wakukupuka, Yesu Kulishitu, Kalunga alisolwele mumujimba, nauya nakulisema uvene kuhichila muli kala mukakufwelela wakusemuka chachihya. Ikiye ahanjikile ngocho. Amena. Kakweshi chuma chekako. Jino, echi chinapu chumachimwe.

¹⁴⁹ Jino, nachiya nakupwa chindende—chindende chimbalanganyi kuli muthu, kachi ikiye kanda atachikize kuvuma chivene cha luneta. Jino, uze muthu kanda vamulongese luze luneta, kaha kanda lyehi alwivwe, chamwaza, ikiye nahase kupwa chindende muchimbalanganyi omu ikiye mwevwa chumachimwe kuvuma mwakuhandunuka kufuma kukuvuma chize evwile. Ikiye lwola lwosena evwile, “Kulinunga na liuka. Mbata mukanda wove *hano* na *hano*.” Chize chinahase kupwa chakwoloka. Mukiko ikiye atachikiza.

¹⁵⁰ Oloze jino omwo ove muya nakukinduluka, ha lujimiko lwa Shipilitu Wajila, kuhanjika ha ngolo ja Kalunga na vyuma vize Ikiye eji kulinganga; kaha omu cheji kulingisanga mapwevo na malunga, vosena vavali, kulitommesa vavene kufuma ku

chiyoyelo cha shili; omu cheji kuvalingisanga kutambuka mwakuzeneka kumukomoka kalunga, mwakushishika. Kaha vyuma vize vyeji kulinganga, na kuneha lujimiko, kuhanjika mumalimi, kuka vakakuviza, kutapula vandemone, kupolofweta, mawana, mamalelo, vimweno, vyuma vyosena mu Liuka. Haleluya! Echi chakwoloka. Omu nachiya, jino kupwa chindende muchimbalanganyi kuli vakiko nge kanda lyehi vevwe muyachi kana wa luneta.

¹⁵¹ “Chamwaza,” enu ngwenu, “liuka lyami kalyatangisa ngachizeko.” Kahajino kalyeshi kuhuhuhwa ndolombita ya Mujimbu wamwaza. Upahu! Chakwoloka.

¹⁵² Oloze kuli vakiko maswalale vakulongesa, haleluya, omu vakiko navvevwa luze luneta kuvuma, vakiko vanatachikiza omu mwakwimanyina muchiyulo. Kulutwe, liswalale wa Mukulishitu! Upahu! Mamalelo, echi chili vene ngocho!

“Nawijiva ngachilihi nge chili chakukunyuka?”

Echi chili ha Lizu.

“Chamwaza,” enu ngwenu, “liuka lyetu kalyatangisa Chizeko.”

¹⁵³ Oloze luze luneta kuvuma Echi. Kangwazangile kupwa wakulongesa kujishimbi ja liukako, mwomwo najiya nakunyikika na kuholoka. Oloze kachi ove vanakulongesa ku Lizu, melu na mavu nawakahita, kaha eli Lizu kalyeshi kahitako. Jishimbi jauthu josena, vyuma vyosena, navikaholoka. Oloze eli Lizu kalyeshi kahonako. Amena. Echi chikiko chivwumino. Echi chikiko chivwumino Ngwatondo kwivwa. Eyo, mwane.

“Mamalelo,” ove ngwove, “Ngunejiva ngachilihi?”

¹⁵⁴ Yesu ambile ngwenyi, “Mikoko jami veji kwivwa woma. Vakiko vatachikiza luneta Lwami.” Ikiye ngwenyi, muli Mukakujila Yowano, kapetulu 14 na vasi 12, “Wosena mwafwelela hali Yami, milimo eyi Ngulinakulinga naikiye nawa mwakayilinga.” Jino, Ikiye ahanjikile chize.

Kachi muthu mwahanjika, “Chamwaza?”

¹⁵⁵ Hepelewu 13:8 ngwenyi, “Yesu Kulishitu apwa youmwe zau, lelo, na hayamyaka.”

“Mamalelo,” vakiko ngwavo, “mujila yimwe.”

¹⁵⁶ Jino, mukoko wamwenemwene mwaya nakuhanjika, “Huu-mamalelo. Mamalelo, chumachimwe kutetumuka, muli chize. Chize kachavumino chakwolakako. Mamalelo, chize chinahase kupwa mbinga ya French. Ize keshi lunetako, mwomwo eyi Mbimbiliya kuhana kuvuma chakuzeneka kulumbunuka.”

¹⁵⁷ Echi kuhanjika, “Ove muya nakutambula Shipilitu Wajila.” Keshi, “Ove unahase.” “Ove muya, wosena.” Lwola muka? “Kuli vana venu, na kuli vana venu, na vaze vali kwakusuku,

naveshovo mwasanyika Yehova Kalunga mwakasanyika.” Ikiye mwaya nakwivwa ndolombita mukala chisemunuino na chisemunuino, kaha vakiko navaya nakwivwa Lizu Lyenyi. Vakiko navaya nakufwelela Echi, vaze vanapu vakutongola ku Kuyoya. Amena. Vakiko navaya nakufwelela Echi mwomwo vakiko vanatachikiza Echi chinapu luneta lwa Mujimbu. Echi kacheshi kupwa chakulumbunukako. Kala liswalale atachikiza mwakwimanyina.

¹⁵⁸ Jino, enu mwamwene Petulu, na Yowano, Yakova, kaha liuka lya kumaputukilo, kutambuka kulutwe muli eyi jila, mwomwo ndolombita, Yesu, ngwenyi, “Yenunga kukaye kwosena, nakunangula Mujimbu wamwaza.” Mako 16, talenu, “Evi vinjikizo navikakavangiza vaze vakakufwelela.” Etu twamono Petulu, Yakova, Yowano, vosena kupwa vakulinunga, kutambuka kuli Chize.

¹⁵⁹ Kaha etu tweji kwalumuka mujila ikwavo, kufuma kuli Echi? Umwe kuya kulutwe, mukwavo kuya kunyima? Umwe ngwenyi, “Chamwaza, chize chapwilenga cha mukwavo. Chize, chize—chize chili nakwivwakana, chapwile hali mukwavo.” Mamalelo, nduma. Echi kacheshi kuhasa kupwa ngachizeko.

¹⁶⁰ Vaze maswalale vosena Vakakulishitu veji kwivulilanga ndolombita. Kalunga ambile ngwenyi ize yapwile ndolombita. Ikiye keshi kuhasa kwalumukako. Chize kuvuma nge Ikiye mwaya na kuvuma nacho. “Omu mukiko vathu navakatachikiza,” kaha hinavakaya ku Liuka.

¹⁶¹ Vamwe vavo kavafwelela mu Kwiza Chenyi ko. Eyi Mbimbiliya ngwayo Ikiye mwakeza, shikaho etu tuli nakutala ha Kwiza Chenyi. Kachi Ikiye keshi hanoko ufukuuno, etu natuya nakutala muchimene. Kachi Ikiye keshi hano mu chimeneko, etu natuya nakutala hamene naufuku hali Ikiye. Kaha etu natuya nakutwalilaho kutala. Kachi etu natusavala tulo, vyetu—vyetu...etu katwalezumukileko chamokomoko. “Mwomwo ndolombita ya Kalunga nayikaya nakwimba makumishilo, kaha vafu muli Kulishitu navakalivanga kusanguka. Kaha etu tuli vavatonyi palanga navakatuhukwila hamwe na vakiko, kuliwana na Mwata muutangatanga, kaha hayamyaka nakupwa kuze.” Echi chikiko chivwumino cha luneta. Chipwe Ngwayoya mokomoko chipwe Ngunayi, kacheshi kuneha chihandwako. Nangukaya nakwivwa chivumino. Nanguya nakusanguka. Upahu kuli Kalunga! Katuka. Mamalelo, eyo. Eyo.

¹⁶² Yesu ngwenyi, chize, “Mikoko jami veji kwivwa Lizu Lyami.” Ikiye apwilenga Lizu lyasolokele. Omwo...Omu mukiko mikoko Jenyi kumutachikiza Ikiye.

¹⁶³ Jino tala hali va Fwaliseu na vakiko muli lize likumbi. “Mamalelo,” vakiko vambile ngwavo, “ou Lunga napu Mbelezembule.” Omwo Ikiye amulwekele uze pwevo haze ha lishima, kuze, ha jishili jenyi, kupwa na malunga jenyi

apwilenga navo, omwo Ikiye amulwekele Nathanael kuze ikiye apwilenga, mwishi ya mutondo kuze Fwilipu amusanyikile ikiye, muze mwishi ya mutondo wamukuyu, apwile na kulomba, mwomwoika, vaze vakakunangula valize likumbi ngwavo, “Ou Lunga napu Mbelezembule. Ikiye napu liyavolo. Ikiye napu mukakutahisa.”

¹⁶⁴ Oloze chize kachapwile ngochoko na Petulu, Yakova, na Yowano, vosena. Vakiko vatachikijile echi. Mwomwoika? Vakiko vatachikijile nge Kalunga ahanjikile nge omwo Meshiya mwakeza, mwishi ya lizu lya kuhwimina cha Mose, Ikiye mwaya nakupwa kapolofweto. Kaha omwo vakiko vamwene vize vyuma vize Ikiye ahanjikile kupwa kusoloka na kupwa wakukupuka, vakiko vatachikijile nge apwile kulya cha mikoko. Vakiko vatachikijile nge ndolombita. Kaha vakiko vaputukile kukavangiza. “Mikoko jami vatachikiza echi,” mwomwo vakiko vamwene Lizu lya Kalunga kusoloka.

¹⁶⁵ Jino, vathu lelo, vakiko kavafwelela nge kuli chuma chimwe nge kujimika cha Shipilitu Wajila. Holola hano mokomoko kumwe kuze vakiko vali na Shipilitu Wajila, kaha vakiko kumona lushiko lwa Kalunga kupwa lwakuzalishiwa vene, mwomwoika, “Mikoko jami veji kwivwa Lizu Lyami.” Vakiko vanatachikiza chivumino cha ndolombita mwomwo yinapu Mbimbiliya. “Yesu Kulishitu youmwe zau, lelo, na hayamyaka.” Ikiye hanga apwa Hepelewu 13:8, mukiko vene.

¹⁶⁶ Kangwalizakaminako, jino, echi kacheshi kuneha chihandwako chipwe chindende jimbinga ja liuka jingahi jili nakwimba. Etu tukwechi mbinga ya liuka yakuvuma chikuma, munatachikiza, kuvuma chikuma hakala chuma, kuhanjika, “Mamalelo, makumbi avikomwesa ahita lyehi. Kakweshi chuma chakufwana nge kuka cha Ukalunga.”

¹⁶⁷ Mamalelo, mukoko ivene kawvilila kuli chizeko. Oloze vakiko kwivuilila ku luneta, luze luvene.

¹⁶⁸ Luze lukiko lumbiunga lwa liuka kuvuma. Ove unahase. . . Tala chumamuka chili lelo, jimbinga ja liuka. Umwe ali nakulaha *eyi* jila, kaha umwe ali nakulaha *ize* jila. Kaha liyavolo natwame kunyima, ngwenyi, “Kanyike walunga, vakiko vali nakuzunga na umwe namukwavo. Mukiko kaha. Kangweshi numba kutambukako livoko lyami.”

¹⁶⁹ Oloze, ndumbu walunga, echa vakiko vosena vezenga kumavoko lwolalumwe, kwiza kunyima kuchiyulo chivene. Mamaah, yami! Kahajino enu namuya nakumona “kulutwe, maswalale va Ukulishitu,” hazevene, keshi kwivwulila jimbinga, oloze kwivwulila ku luneta.

¹⁷⁰ Echa twimane, mumunyutu kaha, kaha kukinduluka na kutala hali vavandende jino. Etu tuli nakuya nakusoka, mwomwo Kangwazangile kumishimbwisa chikumako. Oloze echa tuyenu kunyima na kutala hali vamwe vaze vevwile

echi chivumino. Echa tumbate...Kaha vakiko vapwile wakukunyuka. Jino, Ngunasolola enu vyuma vyosena kupwa vyakuzeneka kutachikiza. Echa tumbate vilinga vya mwaka, mukatando kakandende.

¹⁷¹ Echa tumbate kapolofweto Yopa. Jino, uze lunga ayile nakuhita mu cheseko, oloze ikiye atachikijile nge Kalunga atondele mulambu wa kwocha. Omu mukiko Kalunga atondele, kaha mukiko Ikiye atondele. Kaha chipwethu nachipihya ngachilihi kuzuvo yenyi. . . Kalunga keshiko lwolalwosena . . .

¹⁷² Omu enu bnamumona chumachimwe kuya mukuhenga hali umwe, chize kacheshi kulumbunuka nge ikiye napu wakuvetuwa kuli Kalunga. Echi kacheshi kuhasa kupwa nge ikiye mwaya muchima wa Kalunga. Ikiye atachikiza mumuchima wenyi nge ikiye ali nakwivwulila ku luneta mokomoko chiku.

¹⁷³ Kalunga atondele mulambu wakwocha, kaha Yopa emanyine haze. Mukiko kaha. Vakiko vambile ngwavo, “Yopa, ove umuka shili kupenge. Ove uli nakulinga chumachimwe chize chakuhenga.” Oloze ikiye atachikijile kanawa. Ikiye atwamine haze vene, mwomwo ikiye evwile kuvuma cha luneta, kaha ikiye atwamine haze na chize.

¹⁷⁴ Kaha, makumishilo, hazevene kusongo ya makumishilo, omwo ikiye apwilenga...Uze liyavolo vamutulukile hali ikiye, kaha ambachile chisaka chenyi, kaha ikiye ambachile vana yenyi, kumbata vangamela jenyi, kaha kumumbata upite wenyi, kaha kuhokola kulikakngula chenyi chosena. Ikiye kutwa kushita cha uto. Kusoloka nge vyuma vyosena vikumu. Oloze ikiye hanga ambile ngwenyi, “Ngunatachikiza Mukakungusokola ayoya. Ha makumbi akumakumishilo Ikiye mwakaya nakwimana hano hamavu. Chipwe makenye navakenyeka ou mujimba, oloze mumujimba wami wanyama Nanguya nakumona Kalunga.” Kwauchi chuma chili chakuzeneka kulumbunuka kuze, apwile kuze? Keshi, “Ngu—Ngu—Ngu—Ngunamuyachi wakushinganyeka nge Ikiye ayoya.” Ikiye ambile ngwenyi, “Ngunatachikiza Ikiye ayoya, kaha Ikiye mwakaya nakwimana kumakumbi akumakumishilo hano hamavu. Chipwe makenye navakenyeka ou mujimba, oloze mumujimba wami wanyama Nanguya nakumona Kalunga.” Mamaah, yami! Echi chasolokele. Ikiye apwile vene wakukunyuka.

¹⁷⁵ Apalahama, kulovoka nakuya muwande likumbi limwe, kwivwa Kalunga kuhanjika, “Apalahama, Nguli nakuya...” Ikiye aliwanyine na Apalahama shimbu kanda Lizu Iya kusoneka, kaha Ikiye ngwenyi, “Apalahama, Yami nanguya nakukuhana ove mwana pwevo lyove, Sala.” Kaha ikiye apwilenga sikisite faifi ya myaka yakusemuka luzu lwola, kaha Apalahama apwilenga sevete faifi. Kaha vakiko valizangile kupwa wakulizanga hali echi, kaha ikiye kapwile na sonyiko na

kwambulula. Ikiye atachikijile nge mwaya nakupwa na mwana walunga.

¹⁷⁶ Kaha eyi Mbimbiliya ngwayo, “Ikiye katalyangilile ha lushiko lwa Kalunga kuhichila mukuzeneka kufwelelako, oloze apwile wakukunyuka.” Amena. Apwile wakuzamikisa, nge kulumbununa nge ikiye ahetele hamakumishilo. Amena. Mukiko kaha. Makumishilo makumishilo ali mujila. Echi chinapu chuma chamakumishilo. Echi chili—echi chili chosena.

Ikiye ambile ngwenyi, “Ngunapu wakukunyuka nge, chuma Kalunga ashikile, Kalunga ali wakutela kuzata.”

¹⁷⁷ Ove uli, ufuku uno, ove uli wakukunyuka ngana nge ikiye Shipilitu Wajila? Enu muli vakukula, eyi ikiko jila? Enu muli vakukula, Ikiye apwa Mukakuka? Ove nawa unapu wakukunyuka nge Ikiye ali nakwiza cheka? Ove vakukula Ikiye apwa youmwe zau, lelo, na hayamyaka? Amena. Kupwa wakukunyuka! Eyo.

¹⁷⁸ Echa tumbate mukwavo umwe, Elija, kwimana haze hapili. Ikiye alipikile na Yezavele uze wakulikwita ulombo kumeso, kaha ikiye apwile nge himwazeya nachize. Ha mapwevo vosena vali nakulifwanyisa nauze pwevo watete, pamo wakuteula jikambu kaha kalachuma vapwile nacho mulikumbi lize. Ikiye alipikile chikuma palanga echi—echi pamo ikiye kushikumuka hamavu.

¹⁷⁹ Hazevene, Kalunga ahanjikile kuli ikiye, “Yako kuze. Munatachikiza, yeji kunokanga ha makumbi avalu mokomoko atatu mulungu, kujinguluka hano. Oloze ove imana kuli Ahave, kaha ove mulweke ikiye, ‘MUKIKO MWANAMBE MWATA. Uze mama keshi kuhasa kuholoka kufuma mwilu palanga nomu Nangukayisanyika.’” Mamaah, yami!

¹⁸⁰ Ikiye kahanjikile ngwenyi, “Jino, Ahave, pamo, pamo echi chinahase kuzata mujila kana.” Mamalelo, nduma. Ikiye apwile wakunyuka chikupu, kwauchi chakukunyuka. “Lize lyume kalyeshi kuholokako, ize vula kayeshi kwizako, palanga Ngunayisanyika.” Amena. Upahu! Mamalelo, mwomwoika? Ikiye evwile ndolombita. Chize chapwile chuma chimwe. Ikiye atachikijile Kalunga kenya. Ikiye atachikijile chumachimwe nachiya, omwo Kalunga ahanjikile lize Lizu, melu osena na mavu nawakaya nakuhita palanga echi—echi chasolokele, echi chatela kusoloka. Ikiye apwile wakukunyuka.

¹⁸¹ Jino, Ikiye ambile ngwenyi, “Elija, Ngwatondo enu kukanduka kuze muchihela mulifuchi, wanda hapili kuze keshi jingojo. Oloze Ngukwechi umwe kuze hali enu.”

¹⁸² Ikiye apwile wakukunyuka chikupu. Ikiye kunyina hapili na kutwama nakushikumuka kumwana Kalwiji. “Kaha jino chuma muka Nanguya nakulinga hano?”

“Ngunavalweze lyehi makololo navakakulisa.”

183 “Jino, vakiko vali makololo. . . Jino, vandamina munyutu kaha, Mwata?” Nduma, nduma. Luneta yevwakanyine. Echi chili chakutambo. “Nachiya nakusoloka ngachilihi? Ngunahono kutachikiza. Kangwalizakaminako. Talenu? Echi kacheshi chayami kulizakamina hali echiko. Ou ukiko mulimo wa Kalunga. Ikiye ngwenyi Ikiye avalwekele makololo.”

184 “Chamwaza, Mwata, echa Enu kuhokoka hamavu kuli yami, kaha kumulweka kuli vakiko. . . shikola muka vaze makololo vayile kuze, kulinangula kuhanjika Hepeleu? Chumamuka cha. . . Vakiko veji kuteleka halijiko lya peho, mokomoko vakiko kupwa na kakahya kajikunyi, mokomoko vakiko veji kulinga ngachilihi? Kaha vakiko valikulihi. . . Muyachi wa kanyama muka navaya nakujiha? Vakiko vanapu kaha kajila wamundende. Omwo vakiko navaya nakumujiha puka kumufumisa muli yami, kuneha nyama nyama?” Talenu? Talenu? Chize kachapwile kumuhulako.

185 Kalunga, ize—ize ndolombita ya Kalunga, Lizu Lyenyi yevwakanyine kaha ngwalyo, “Nguli!” (Keshi, “Elija, Ngunahase kuchilinga echi.”) “Ngunalingi echi.” (“Nanguya nakuchilinga.”) “Ngunalingi lyehi.” Amena.

186 Ou ikiye Kalunga ketu, ufukuuno. Keshi, “Ikiye mwaya nakuchilinga.” Ikiye nachilingi lyehi. Amena. Ikiye nalingi lyehi echi. Amena. Keshi, “Ikiye mwaya; Ikiye nahase; pamo Ikiye mwaya nakuchilinga.” Ikiye achilingile lyehi. “Ngunavalweke makololo.”

187 Ikiye akwimanyina Shipilitu Yenyi kuli vosena malunga. Ikiye akwimanyina kukisula Chenyi. Ikiye akandukile Helu, na kuhana mawana kuli vathu. Muthu umwe ali nakuya nakuyitambula. Muthumwe kuya nakufumako. Eyi kaweshi mulimo wamiko mwakwijila. Echi chili kaha nge nachiya napupwa kuze. Kalunga ambile ngwenyi nachiya napupwa ngocho, kaha chili ngocho. Petulu ambile ngwenyi, ha Likumbi lya Pendekosita, “Alumuka chakupihilila, muthu himuthu, kaha vamijimike mu Lijina lya Yesu Kulishitu chakuneha kujimbangana jishili jove, kaha enu namutambula wana, ou Shipilitu Wajila.” Nauya ngachilihi nakwiza? Ngunahono kutachikiza. “Luze—luze lushiko luli kuli vana venu, kuli vaze vali kwakusuku, veshovo mwasanyika Yehova Kalunga ketu kwiza kuli ikiye.” Jino, ove kaweshi kulumbununa mujila kana. Luze luneta lunevwakana, kaha Ngwafwelela echi. Ngunononoka echi, kaha kupwa nacho. Amena. Jino eseka kulipula yami hali echi lwola lumwe. Amena. Mamalelo, Kangweshi wakukupukako. Nduma.

188 Nge uze ufuku, uze ndumbu wapwevo wamulatu, ikiye ambile ngwenyi, “Mukulwane, nahase Kuhana unjiho?”

“Eyo, mama.”

¹⁸⁹ Ikiye ambile ngwenyi, “Ngwatondo kuhanjika echi chuma chimwe.” Ikiye ngwenyi, “Ngwa—Ngwa—Ngwa—Ngwakutonda kupwa.” Kaha ikiye ngwenyi, “Yami nangupwa omwo Ngwatela kupwa. Oloze, kuli chuma chimwe Ngwatachikiza, Yami ngumuka Ngwapwilenga nakupwa.”

¹⁹⁰ Shikaho, chize, eyi ikiko jila etu tulinakwivwa echi jino. Yami kangweshi omwo Ngwapwilenga nakupwa, mwomwo Vanangulwili ufuku uno, ha likoji lya Kalunga, na kutambula lujimiko lwa Shipilitu Wajila, ha kutuma. Echi vachihingunuine ha Likumbi lya Pendekosita, lushiko lwakuhana, kaha Ngwafwelela chize. Kwauchi chakuzeneka kulumbunuka. Ngwevwile kuvuma. Ngwononokele, kaha Ngunapu wakukunyuka chize chumuka echi chili. Punduvene. Ngunatachikiza echi chili. Punduvene.

¹⁹¹ Shimona, kaha kashinakaji wa myaka eyite yakusemuka, myaka handulendi kufuma haze numba kapolofweto kupwa hano hamavu, oloze kutambuka nakujinguluka na mauthu amanene. Ou Shipilitu Wajila ahanjikile kuli ikiye likumbi limwe, ambile ngwenyi, “Shimona, munatachikiza, ove kaweshi kuya nakufwako palanga ove kumona ulwilo wa Mwata.” Upahu!

¹⁹² Pamo kapilishitu wakulitulaho, kulikula mulyanja mulwola lwalundende, kaha ambile ngwenyi, “Shimona, ove watela kusakula mulyanja kusali yikwavo.”

Ikiye ambile ngwenyi, “Chize kacheshi kuneha chihandwako.”

“Nawijiva ngachilihi nge ove uli wakwoloka?”

“Ou Shipilitu Wajila angulwezele yami ngocho. Kangweshi kuhasa kufwako.”

¹⁹³ “Mwomwoika, Shimona, mwomwoika, ove uli... Mwomwoika, ove uli wakulizanga kufwa jino.”

¹⁹⁴ “Mamalelo, Kangwalizakaminako chuma muka ove muhanjika. Oloze Kalunga angulwekele yami nge Kangweshi kuhasa kumona kufwa palanga Ngwamwene ulwilo Wenyi. Kakweshi chuma chakuhona kutelako. Kangweshi kuhasa kufwako. Kangweshi kuhasa kumona kufwa palanga Nangumumona Ikiye.” Amena. Mukiko kaha.

“Nauya ngachilihi nakuchilinga, Shimona?”

“Yami, chize kacheshi mulimo wamiko.”

“Ali Kulihi, Shimona?”

“Ngunahono kutachikiza.”

“Nawijiva ngachilihi nge nauya na kumumona Ikiye?”

¹⁹⁵ “Kalunga ahanjikile ngocho. Mukiko kaha. Eli linapu Lizu. Kangweshi kuya nakumona kufwa palanga Nangukamumona Ikiye.” Mamaah, yami!

196 “Mamalelo, mukweze wakuhutwa. Mukikovene, ikiye nafumu mutwe wenyi, munatachikiza. Shikaho amwechele ikiye ukawenyi.”

197 Oloze ikiye amwene Ikiye, mwosena omwo. Eyo, mwane. Kalunga eji kutunganga jila kuli vakiko vathu vaze navaya nakumbata Lizu Lyenyi.

198 Yesu, omwo Ikiye apwilenga hano hamavu, kaha Ikiye apwilenga nemana haze ha chimbumbembe cha Lazalu.

199 Mokomoko, shimbu kanda chize, omwo Ikiye apwilenga mukutunguluka na—na vathu, kuhanjika hali omwo Ikiye, oloze hakupwa keshi na myaka fifite yakusemuka, kaha ambile ngwenyi nge Ikiye amwene Apalahama. Enu talisenu omu Ikiye apwile wakukunyuka? Ikiye ngwenyi, “Shimbu kanda Apalahama apwengako, NGWAPWA. NGWAPWA.” Keshi, “Ngwapwile,” mokomoko, “Nanguya nakupwa,” oloze, “Yami. Nguli wakukunyuka.”

200 Kahajino, Ikiye ngwenyi, haze halifuka lya Lazalu, shimbu kanda Ikiye ayenga kuze, Ikiye ngwenyi, amulwekele Malita, Ikiye ambile ngwenyi, “Yami kusanguka, Kuyoya.” Keshi, “Ngwatela kupwa,” mokomoko, “Nanguya nakupwa,” oloze, “Yami.” Amena.

201 “Ndumbwami walunga, kachi Ove wapwanga hano, kachi kafwileko. Oloze numba oholili, Mwata, kala chuma Ove mulomba Kalunga, Kalunga mwaya nakukuhana Ove.”

Ikiye ngwenyi, “Ndumbwove walunga mwakasanguka cheka.”

202 “Mamalelo, ikiye mwakaya nakusanguka mumakumbi akumakumishilo, ha kusanguka cha mukulwane. Ikiye apwilenga kanyike walunga wamwaza. Yaah, Ngwafwelela ikiye mwakaya nakusanguka.”

203 Oloze Yesu alyolwele Ikiye chindende, lyavene, ambile ngwenyi, “Oloze Yami kusanguka na Kuyoya.” Keshi, “Nanguya nakupwa; Ngwatela kupwa,” mokomoko vyangocho. “Yami.” Kuze kakweshi chuma kuze, kakweshi chuma chakukimbwojoka, kulinyikisa hali chize. Kwauchi chakulumbunuka. Echi chapwile chakukunyuka.

204 “Yami kusanguka na Kuyoya. Wosena mwafwelela muli Yami, chipwe ikiye mwafwa, oloze mwakayoya. Wosena ayoya na kufwelela Yami keshi kuka kafwako.” Keshi—keshi, “Vakiko kaveshi kuhasako. Vakiko pamo kaveshi kuhasako.” “Vakiko kaveshi kuhasako. Kakweshi chuma—kakweshi chuma chakukomoka hali echiko. Vakiko kaveshi kuhasa kufwako.”

205 “Wosena mwevwa Lizu Lyami na kufwelela hali Ikiye uze angutumine Yami ali na Kuyoya cha hayamyaka, kaha keshi keza Mukusopesako, oloze nahichi lyehi mukufwa nakwingila mu Kuyoya.”

206 “Vakiko kavatela kwiza ku Kusopesa”? Vakiko kaveshi kuhasa kwiza ku Kusopesa ko. Amena. Ikiye ambachile Kusopesa chami. Kakweshi namulimo kuzeko. Amena. Yenu haze. “Munahichi kufuma mukufwa nakwingila mu Kuyoya.” Mamalelo!

207 Jino ikiye ngwenyi afwelelele chize. Jino, Yesu kahanjikile ngwenyi, “Chamwaza, munatachikiza, kupwa nge enu mwafwelela chize, kaha enu munatachikiza nge Yami Lizu, kaha—kaha Ngwa—Ngwa... Munatachikiza nge Yami Vene uze atela kwiza. Ove unetavila chize. Ove wafwelelele echi. Nanguya nakumilweka chuma etu twatela kulinga. Echa tuyenu kulwane hamwe, na kuya nakushikumuka na kumona kachi etu tunahase kulinga kalachuma hali echi.” Nduma, nduma. Ikiye ambile ngwenyi, “Nanguya...” Keshi, “yako nakushikumuka na *kumona* kachi Nanguhasa kukatuka.” “Nanguya nakumuhindula.” Amena. Keshi, “Nanguya—Nanguya na kweseka.” “Nanguya.” Kakweshi chuma chakuhona kutelako. Chize kachapwile kuvwuma chakuzeneka kutelako, omwo Ikiye ambile ngwenyi, “Nanguya. Nanguya.”

208 Kaha Umwe youmwe ambile ngwenyi, “Nanguya,” kukulingisa ove lushiko. Haleluya! Mamalelo, yami! Amena.

“Nanguya na kumwimika ikiye.”

209 Cheka Ikiye ngwenyi, “Enyekenu eyi tembele, kaha Nanguya nakumona chuma muka Nangulinga hali echi”? “Ove wenyeka eyi tembele, kaha Nanguya nakuyikatula cheka mumakumbi atatu.” Kakweshi chuma chakuhona kutachikiza. “Jino Nanguya nakweseka. Enu vosena munahase kwimana nakutala kachi Nanguhasa kuchilinga mokomoko nduma”? Ha, nduma. “Nanguya nakumusangula.” Kakweshi chuma chakuhona kutachikiza. “Nanguya nakukatula echi helu. Ove—ove wenyeka; Nanguya nakumusangula.” Mamaah, yami!

210 Mwomwoika? Ikiye atachikijile nge Ikiye apwile Muthu, mu Chisoneka, nge Ndavichi ahanjikile. “Kangweshi kuya nakuseza mwono Wenyi muheteseko, chipwe Ngwetavila Umwe Wami Wakujila kumona kupola.” Kaha Ikiye atachikijile Ikiye apwile wakuhakile mu lushiko lwa Chisoneka, shikaho Ikiye apwile wakukunyuka.

211 Jino, katweshi kuhasa kupwa wakukunyukako? Etu twamumbachila Ikiye, chakutalilaho, ha vyuma vyeka. Kachi kaha Lizu lya Kalunga ngwalyo, katweshi kuhasa kupwa wakukunyuka ha Lizu nge omu Ikiye apwilenga hali echi?

212 “Yami kusanguka na Kuyoya.” “Nanguya nakumusangula cheka.” Amena. Mwomwoika? Ikiye atachikijile eli Lizu lyahanjikile hali echi, kaha Ikiye apwile wakukunyuka kwiza nakulovoka.

213 Kachi Yami uze muthu kuze mu Yowano 5:24, “Wosena mwevwa Lizu Lyami na kufwelele hali Ikiye uze Angutumine,

ali na Kuyoya cha hayamyaka, kaha Nanguya nakumusangula cheka kumakumbi akumakumishilo. Ikiye keshi kuhasa kwiza mu Kusopesa ko; nahichi lyehi mukufwa nakwingila mu Kuyoya.” Chize—chize chili kuli etu. Kaha chuma etu tunevwu woma hali chize? Ukalu muka?

²¹⁴ Chihandwa muka chiliho enu kuvwala? Ove kulisanyika *echi*, *chize*, mokomoko *chikwavo*. Etu tunapu vana va Kalunga, ha likoji lya Kalunga. Etu vanatuzale na Shipilitu Wajila, ha likoji lya Kalunga. Chihandwa muka nachipwaho chipwe *echi* chimwe *chize* mokomoko *chize*, kachi ikiye napu Pulishiteliyani, Mesondisiti, Mbaputishiti? Kachi ikiye ali wakuzala na Shipilitu Wajila, ikiye atela kusanguka Kuyoya muli ikiye. Amena. Eyo. Jino, ha Likumbi lya Pendekosita . . .

²¹⁵ Yesu avalwezele vakiko, mu Luka 24:49, “Tala, Nangukatuma lushiko.” Keshi, “Ngunahase kuchilinga echi. Nanguya nakumona chuma Ngunahase kulinga hali echi.” “Nanguya nakutuma lushiko lwa Tata Yami hali ove. Oloze yako kuze ku mbongi ya Yelusalema na kuvandamina palanga ove vakuvwika ngolo.”

²¹⁶ Jino, kachi vakiko navavandamina, kuhanjika, mamalelo, makumbi sikisi, vakiko ngwavo, “Chuma muka etu tuli nakuvandamina? Ngwafwelela etu twatela kwitavila echi ha lufwelelo. Kamweshi nakushinganyeka ngochoko?”

²¹⁷ Ngachilihi kachi Yakova ambile ngwenyi, ha—ha likumbi lya muchitanu na jiwana, ambile ngwenyi, “Shimona, twaya kuno mumunyutu. Munatachikiza, likumbi likwavo Ngwapwile nakwivwa kwivwa chakulimanyina. Talenu? Kaha munatachikiza chuma Ngwafwelela? Ngwa—Ngwa—Ngwafwelela Ikiye keshi nakutonda etu kuvandamina hano. Ngwafwelela etu tuli—etu tukwechi echi. Kanda kushinganyeka ngochoko? Echa tuyenu kumulimo wetu. Echa tutwalileho na mulimo wetu?” Mamalelo, echi kachi kachasolokeleko.

²¹⁸ Mwomwoika? Vakiko vatachikijile nge kapolofweto ahanjikile. Jino ivwililenu. Uze kapolofweto ambile ngwenyi, “Lushimbi lwatela kupwa ha lushimbi, lungoji lwakwesekela ha lungoji, ha lungoji; hano hahandende haze chindende.” “Kwachilila kulu kuli chize kuwaha.” “Mwomwo na mivumbo yakukukuma na malimi akwavo Nangukaya nakuhanjika kuli ava vathu. Kaha echi chinapu kunoka, sambata.” Vakiko vatachikijile chumachimwe chatela kusoloka omwo Chejile.

²¹⁹ “Nanguya nakuhingununa Shipilitu Yami mumakumbi akumakumishilo.” Yowele 2:28, “Nachikaya nakusoloka kumakumbi akukuminyina, mwanambe Kalunga, Nanguya nakuhingununa Shipilitu Yami hali vakwechi mijimba vosena, kaha vana venu vamaunga na vamaapwevo navakaya nakupolofweta. Hali vandungo Jami na vangamba Nangukaya nakuhingununa Shipilitu Yami, mulikumbi lize. Nanguya

nakusolola vinjikizo muze mwilu na—na mu mavu kwishi, na kakahya, na wishi, na mbundu.”

²²⁰ Vakiko vatachikijile nge kwatela kupwa na kuhitamo chachivulu kwiza cha Shipilitu Wajila. Vakiko kavapwile nakumbata kuvuma chakuzeneka kulumbunuka. Oloze omwo vakiko vevwile chize chuma chimwe kutambuka, kaha kumona chinjikizo cha Mbimbiliya kutambuka na echi, vakiko kavapwile vakuhona kutachikiza. Muzevene mujila vakiko vayile. Ngukonekelenu. Mamalelo, yami! Vakiko vapwile vakukunyuka nge apwile Shipilitu Wajila.

²²¹ Munatachikiza omwo vakiko vapwile? Palanga, Petulu, uze wamundende wakuhona kutanga, kutumbuka helu Iya mutango mokomoko chimbokishi, mokomoko kumwe, ngwenyi, “Enu malunga Vayuleya,” natulo yakulovoka nge ndemba ya kasumbi. Ikiye ngwenyi, “Enu malunga va Yuleya, enu mwatwame ku Yelusalema! Ngwapwile nawoma wa enu, hanyima chindende; Kangweshi ngochoko, jino. Echa echi muchitachikize, kaha ivwulilenu kumazu ami. Ava kavapendeleko nge omu munashinganyeka. Oloze echi *chili* Chize.” “Etu *twafwelela* echi kupwa Chize?” “Etu *twafwelela* echi kupwa Chize?” Ikiye ambile ngwenyi, “Echi chikiko Chize vahanjikile kuli kapolofweto Yowele.” Haleluya! Kakweshi chuma chakutachikizako. “Echi chikiko Chize vahanjikile kuli kapolofweto Yowele.” Mamaah, yami!

²²² Yesu ambile ngwenyi, mu Mako 16, kutuma Liuka Lyenyi, “Yenunga kukaye kwosena, nakunangula Mujimbu wamwaza.” “Evi vinjikizo pamo vyatela; vakiko kupwa, lwolalumwe shimbu, pamo?” “Vakiko navakaya nakupwa hamwe navaze vafwelela. Evi vinjikizo navikavakavangizanga vaze vakakufwelela. Mu Lijina Lyami navakatapula va ndemone. Vakiko navakahanjika malimi amahya. Kachi vakiko navambata uze linoka mokomoko kunwa chuma chakufwa, kavyeshi kuvakolesako. Kachi nge navakanangika mavoko avo hali vakakuviza, navakayoya.” Keshi, “Pamo.” “Vakiko navakaya. Evi vinjikizo navikakavangiza vaze vakakufwelela.”

²²³ Echa ngumihume, mukuhanjika echi, ndumbu walunga, ndumbu wapwevo, ha minyutu yayindende. Ngwafwelela echi. Ngwafwelela nge vyuma vyosena, kalachuma chize chakulimbakala na Chize, kacheshi chakwolokako. Ngwafwelela, vyumavimwe vize vinapu vyakufumbikila Chize kuya nakuholoka. Ngwafwelela, Kangwalizakamina vangahi va communisms, mokomoko vangahi *na* tato na *chize* tato, kaha tato ya liuka na tato ya Loma, kaha vosena veka, tato ya America kaha vyumavimwe nawa kuya nakuholoka.

²²⁴ Oloze lize Lizu nalikemana Hayamyaka, mwomwo Linapu Lizu. Kaha shimbu kanda chipwenga Lizu, echi chatela kupwa chishinganyeka. Kaha lizu linapu chishinganyeka

vanasolola. Kaha Kalunga, mu Hayamyaka, kwiza nakwingila muvishinganyeka Vyenyi. Ikiye alisolwele vishinganyeka Vyenyi. Echi chineza nakupwa Lizu, kaha Lizu lyatela kusoloka.

²²⁵ Ou ukiko mulonga, omwo Ikiye ahanjikile hali Meshiya, kuze atela kwiza Meshiya. Ikiye kuhanjika nge mwaya nakupwa nge Liuka mumakumbi akumakumishilo, chakuzeneka lipenga mokomoko mukanya hali echi; kuze navaya nakupwa Liuka kuze. Haleluya! Ikiye ngwenyi echi. Nangumbata Lizu Lyenyi. Ngwafwelela echi.

²²⁶ Ngwafwelela nge Ikiye ashikile Shipilitu Wajila kuli mukakufwelela wosena uze mwaya nakufwelela. Ngwafwelela Petulu, ha Likumbi Iya Pendekosita, omwo ikiye anangwile chize kutangisa, kaha avalwezele vakiko vosena kupihilila nakwalumuka na kupwa vakujimika, nge evi vinkizo naviza nakwiza, kaha *echi*. “Wosena asanyikile ha Lijina Iya Mwata navakamulwila.” Ngwafwelela ou unapu Muchano; kwimana hali chize. Ngunamono kusoloka.

²²⁷ Ngunatachikiza Nguli nakuzungisa. Kaha Ngunatachikiza Nguli nakweseka kulingisa jitambo. Shimbu kanda Ngupwenga najitambo, Ngwatela kuvatula nakukasununa kala mbango, temo, na vyuma vimwe nawa, kufumisa mujila. Oloze lwola lwosena enu namutambuka, enu muli nakuya kulutwe. Amena. Mbata kaha poko na kuyivatula.

²²⁸ Enu vavavulu anukenu Paul Rader, sepa Iyami wamwaza. Ngwapwile kaha kanyike walunga mukakunangula, kanyike. Ngwapwilenga nakuya ku Fort Wayne, kwivwulila kuli ikiye, ku Mbalaka ya Rediger. Mukweze wamunene! Ikiye kufuma kunyima, kukoka mulukwe, kukatula livoko Iyenyi na kukalava nge mulusu, kaha Nanguya nakushinganyeka ikiye kuya nakutumbuka kukamenga. Omwo ikiye mwaya. . . Kaha ikiye mwaputuka kutangisa, yaa, mu Kuputuka, kaha peho yakuya mu Kusoloka, kukinduluka na vyangocho. Paulu apwile muthu.

²²⁹ Kuhanjika likumbi limwe, ikiye ambile ngwenyi, “Ngwapwile nakupwa mukamingowa muze mu Oregon,” kuze ikiye afumine. Ambile ngwenyi, “Likumbi limwe, munatachikiza,” ikiye ambile ngwenyi, “Ngwa—Ngwapwile kaha mu mishonali, jila kuze kumwe.” Ngwawulyamine kuze apwilenga. Kaha ikiye apwile kulinga mulimo wa umishonali.

²³⁰ Ikiye afwelelele muli Kalunga, afwelele mukuhinduka cha Ukalunga. Kaha Paulu ngwenyi, hano vene ha liuka kwimana lelo, ikiye ambile ngwenyi, “Kachi Nanguya nakulila mujimbu wami wa likoji kuze kwazumanga chikuma ku Pendekosita, kachi kulinga chuma Ngunalingi hano na enu lizavu,” ambile ngwenyi, “kaha kulingisa amilyavene kulizakamina, kuvuluka chihela na kapapa masauzande na masauzande ya mandola na mikuli. Nguli nakulizakamina amilyavene palanga Ngukwechi kansa, kaha kufwa jino. Kachi Nangulanjisa na mujimbu wa

likoji kuze kwazumanga chikuma ku Pendekosita, Kalunga kachi angukiswile yami chikuma.” Chakwoloka.

²³¹ Ikiye ambile ikiye apwile kushikumuka kuze mu—mu misenge, kaha ikiye kupwa nachishika chamumeya mokomoko chumachimwe. Echi chapwile ukalu. Kaha ikiye apwile kunyima okwo kwingila mumusenge, kaha mukakufwelela wakwimana mukuka cha Ukalunga. Kaha ikiye ngwenyi ikiye ali nakuviza na kuviza. Ikiye alombele, alombele. Kaha vamwe va mishonali ngwavo vakiko vapwile nakuya nakumbata wato na kuya nakumbata ndotolo. Mwomwoika, nachiya nakumbata aze makumbi kupwa ndotolo. Kaha ikiye ngwenyi, “Ngwa—Ngwa...Kanda kulinga ngachizeko. Echa kaha chipwenga ukawacho.” Ngwenyi, “Kachi Kalunga keshi kukahindulako, kahajimo Nguli nakwiza Kwimbo.”

²³² Shikaho ikiye ambile apwile pwevo lyenyi muze mukapete na ikiye. Kaha kwelavile chikuma kuma. Kaha ngwenyi ikiye asanyikile pwevo lyenyi, ngwenyi, “Uchi wami, kwata livoko lyami.” Ambile ngwenyi, “Twalilaho kungulombelela yami. Kuli nakuya nakupwa milima jino.” Ngwenyi, “Ngwa—Ngwafwelela muvwimbimbi kuholokela hali yami.” Ikiye ngwenyi, “Kwata... Kwata kaha livoko lyami na kulomba, shimbu Nanguya nakulovoka.” Ikiye alilelu lyavene, kuliwana na Kalunga.

²³³ Ikiye kupwa kaha wakuholoka mukangalo. Kaha ikiye ambile ngwenyi ikiye alotele nge ikiye apwile kunyima kuze mu Oregon cheka, nge mukweze walunga, kuvatula mambuli. Kaha ngwenyi mukulwane wa chilombo ngwenyi, “Paulu, yako kuze kusali yimwe ya pili, kaha kuholoka mutondo umwe, seteko yimwe.”

²³⁴ Ikiye ambile ikiye kulaha hapili na mahinji eyi aukweze, kaha kuvatula mutondo, kaha kuupamuna, kuteta na ngimbu. Ikiye ambile omu pine kupwa wauwovu, ngimbu yenyi, yayinene, yakuvambuka kuvali kwingila mumupine kanawa. Kaha ambile ngwenyi ikiye akwechi kukwachilila, kushinganyeka, “Chamwaza, Nanguya nakulongejela kufuma haze hapili.”

²³⁵ Chamwaza, lunga wangolo, ambile ngwenyi, “Ngwapwile nakulilongesa mwakuhakila mambuli ami hamwe, kaha kumbata na nyima yami, chihanda chachinene cha lunga.” Mishisa yenyi yapwile kunyima yenyi na vifwiji, hanyima ya mahinji eyi. Ambile ngwenyi, “Nanguya nakumbata mungowa wamunene,” kuhaka hachifwiji chenyi, kutambuka nakuya. Oloze ngwenyi, “Chize chapwile kaha nge mungowa, oloze,” ngwenyi, “Nguli kaha...” [Ndumbu walunga Branham kuveta chihungo—Muka.] (Ngukonekelenu.) Ambile ngwenyi, “Kangweshi kuhasa kutambukisa uze mungowa.” (Ngukonekeleko.)

²³⁶ Ikiye ngwenyi, “Kangweshi kuhasa kutambukisa uze mungowa.” Ikiye ambile ngwenyi, “Ngwapindasanyine, kaha Ngwapindasanyine kaha Ngwesekele kumbata, kaha Kangwawashileko.” Ikiye ambile ngwenyi, “Ngunakwate ngolo jami josena jayami.” Ikiye ambile ngwenyi, “Kangweshi kuhasa kutambukisa uze mungowa.” Kaha ambile ngwenyi, “Makumishilo, Ngwazeyele, Ngwatwamine hamavu kukundamina hamutondo na kuputuka kuhunda livule. Ngwapwile wakuzeya chikupu.”

²³⁷ Kaha ngwenyi, “Hanyima chindende, Ngwevwile lizu lyami lya mukulwane.” Oloze ngwenyi, “Lyapwile lizu liyema Ngwevwile.” Kaha ngwenyi, “Omwo Ngwalumukile, lizu lya hanjikile kuli yami, ‘Paulu.’ Kaha Ngwambile ngwami, ‘Eyo, mukulwane, chuma muka echi?’ Ambile ngwenyi, ‘Chumamuka ove uli nakutalatala?’” Ikiye ambile ngwenyi, “Chamwaza, ove wangulwekele kuneha echi muchilombo, kaha Ngunalizeyesa amilyavene, na echi. Nguli kaha—Kangweshi kuhasa kulinga echiko, mukulwane wami.” Ikiye ambile ngwenyi, ‘Paulu, kaweshi nakumona uze kaselwoke wa meya ali nakuhita *muze*?’ Ngwenyi, ‘Eyo.’ Ngwenyi, ‘Uze kalwiji ejile nakushikumuka muchilombo. Mwomwoika ove unahonena kumbila lize mumeya, kutumbuka nakutambukaho nakuya ku chilombo?’ Ambile ngwenyi, ‘Kangwawashinganyekele chizeko.’”

²³⁸ Shikaho ikiye ashikumwishile kaha mumeya, atumbukile hali chize, ngwenyi, “Mamaah, yami!” Ikiye aputukile kumwanga meya, kaha kutumbuka, kaha kutambakana, helu lya lizu, nge ikiye ayilenga hamakanya, kaha kushikumuka kuhichila mu meya, vyuma vyosena, kutambuka hali ou mungowa, kuya nakushikumuka, kutambakana, “Nguli nakutambuka hali echi! Kutambuka nakuya!”

²³⁹ Ikiye ngwenyi, chuma chatete, ikiye ejile kuli lyavene, ikiye apwile wakwoloka mukachi ka mavu, kaha pwevo lyenyi kutambakana na ikiye. Ikiye kutambakana, “Nguli nakutambuka haukiko! Nguli nakutambuka haukiko! Nguli nakutambuka haukiko!” Vandumbwami!

Mafuchi kuhokoka, Isalele kutona,
Vize vinjikizo vize Mbimbiliya yahanjika;
Vakamafuchi eka na eka makumbi avo
akulava, na namala akukoka;
“Kindulukenu, Ove wakutoleka, kuli ove
lyavene.”

²⁴⁰ Ou Mujimbu wa Lizu lya Kalunga unapu Muchano. Kuyoya mokomoko kufwa, Nguli nakutambuka hali Echi. Kangweshi..Kangweshi kulipika na Echiko. Kangweshi nakweseka kulipika hali Echiko. Nguli kaha nakumbata Echi, kaha Nguli nakutambuka nakuya Echi. Echa kutoleka kukatuka. Nanguya kwasa mwila wosena. Nguli nakwiza

muchilombo, likumbi limwe hamakumbi, kutambuka ha Lizu lya Kalunga. Amena. Ngunapu wakukunyuka kwiza kuze.

Echa tulombe.

²⁴¹ Mwomwoika ove mupinda na mungowa wa shili? Mwomwoika ove mupwa museteko kana ove ulimo, unahono kutachikiza oho unemana, kulaha kufuma muliuka, kaha kufuma muchihela nakuya kuchihela? Mwomwoika ove muhonena kuujingikilamo kuze kukulusu, ufukuuno, kaha kutambuka ha Lizu? Mwomwoika ove muhona kumbata lushiko lwa Kalunga ufukuuno na kutambuka kufuma muukalu, kulovoka muma muukalu, kusokolola chize? Kanda kupinda na Echiko. Kanda kulizakaminako na Echi. Kupwa kaha nakufwelela Echi, kwitavila Echi. Ou unapu Wangana uze kaweshi kuhasa kutambukako. Tambuka hali Echi.

²⁴² Kachi ove uli nakuviza ufuku uno, mbata lushiko lwa Kalunga, “Yami Mwata uze mukakuka misongo yenu yosena.”

²⁴³ “Nanguya ngachilihi nakupwa kanawa, Ndumbu walunga Branham? Uze ndotolo ngwenyi Ngukwechi ukalu wamuchima, Ngukwechi kansa, Ngukwechi *echi*, *chize*,” kala chuma muka echi, “Yami ngujika matwitwi, umamama. Yami ngwapwa kapuputa,” Kalamwosena. Chihandwa muka nachipwaho? Itavila lushiko lwa Klaunga na kutambukaho.

²⁴⁴ Echa tumbate mutondo waunene, kaha kutambuka nakushikumuka hano, kaha kusoneka helu lya echi, “Lilombo lya lufwelelo vanalilombo ufukuuno; Nguli nakuya nakwenda hali luze. Eyi Mbimbiliya ngwayo, ‘Kulomba cha lufwelelo nachilwila uze naviji, kaha Kalunga mwakaya nakumusangula. Kachi ikiye nalingi shili, navakaya nakumukonekela.’ Nguli nakufwelela haukiko. Ngwafwelela echi.”

²⁴⁵ Kachi ove unalingi mwakuhenga, kachi ove uli kulutwe ufukuuno, “Ikiye uze eji kufwikanga shili jenyi keshi kukafukilako. Oloze ikiye uze mwaya na kwitavila shili jenyi mwaya nakupwa na keke.” Mwomwoika kuhona kwitavila echi?

“Chamwaza, chuma muka Ngwatela kulinga, Ndumbu walunga Branham?”

²⁴⁶ Likonekele echi, kaha jino tambukenu hali echi. Kalunga ahanjikile ngocho. Echi nachiya nakukumbata ove kufuma kushili.

²⁴⁷ Uze muthu mwali muno ufukuuno, uze kanda ahake lufwelelo lwenyi muli Kalunga ha ulwilo wa mwono wove, kaha ove unatondo vakwanukeko mukulomba nge omu tuli nakusoka? Unahase kuzundula livoko lyove, nakuhanjika, “Ngulombeleko, Ndumbu walunga Branham. Ngwatondo kumbila kuzakama chami.” Kalunga akukisule. Kalunga akukisule. “Ngwatondo kumbila...” Kalunga akukisule, mama. “Ngwatondo kumbila kuzakama chami.” Kalunga

akukisule, ndumbu walunga. Kalunga akukisule ove kunyima okwo, mwane. Kalunga akukisule, mukweze wapwevo wakalimesa. Chosena chakwoloka. Echi chakwoloka. Kalunga akukisule. “Ngwatondo kumbila kuzakama chami hali Ikiye na kutambuka ha lushiko Lwenyi jino. Ngwafwelela nge Ikiye ashikile, ‘Ikiye mwaya nakwiza kuli Yami, Kangweshi kuya nakumuhangako.’”

248 “Keshi omu Nguli nakwivwa, ‘Vangulombebele ufuku unahichi, Ndumbu walunga Branham; Kangweshi nakwivwa kanawako.’” Chize kacheshi na chuma chimwe na echiko. Yami kangweshi kutambukisa nakwivwako. Nguli nakutambuka ha Lizu Lyenyi. Lunapu lushiko Lwenyi.

249 “Ndumbu walunga Branham, Ngunapunga kukamenga, kapapa kawana mokomoko katanu, kweseka kutambula Shipilitu Wajila. Kangweshi Nenyiko.”

250 Chize kachalumbunukile chuma chimwe ko. Haze vene ha mungowa, nauya nakukuneha ove kuchilombo, muze muchilombo cha Twatwa, muchilombo cha vakakujila. Ove muya nakuheta kuze. Twama kaha ha mungowa, na kutambakana na kutambakana kwalisa cha Kalunga kupwa kaha chachikalu nge omu unahase. Omu mukiko mujila mwakuchilingila.

251 Shimbu etu tukwecchi mitwe yetu yakunongama, unatondo vene kutambuka haukiko? Jino, kaze kakandende kaze kandakundaku mumuchima wove, ove unatondo kwiza hano na kwimana kumeso a kamenga munyutu kaha echa tulombe na kunangika mavoko hali ove? Etu natuya nakupwa wakuwahilila kuli enu kwiza.

252 Echa tumbate kaze kakandende chumachimwe chize mwahaka mumuchima wove ufukuuno, kaha hanjika, “Munatachikiza, ove unahenge. Jino zundula livoko lyove.” Chosena chakwoloka.

253 Ove nyina ha mungowa, ou mungowa wa lushiko Lwenyi; uze mutondo, ize kulusu ize vavatwile. Haka mavoko enu hali eyi kulusu jino. Tambuka nakwiza kuno nakuhanjika, “Jino Nguli nakuya nakuchishijika. Hano vene Nguli nakuya nakufwelela echi. Nguli nakuya nakwitavila echi. Ngwafwelela echi. Kangweshi kuhasa kwalumukako. Nguli nakuya nakutwama na eli Lizu, palanga uze umwe ali nakwinjikiza. Kaha jino hanyima ya chize chimwe kwinjikiza, Nguli nakuya nakuheta kuze kaha kupwa haukwavo, kuputuka kutambukaho hazevene.” Talenu?

254 Kaha lizu ha lizu, tambo na tambo, ove muya nakuheta vyuma vyosena vize Kalunga ashikile ove. “Mwomwo vyuma vyosena vinashiwa,” kuli ikiye uze mwaya nakuchindesa. Tambuka ha lushiko, mwomwo unakunyuka nge nauya nakukuneha ku chilombo. Nauya nakukuneha Kumeso a Kalunga.

255 Nauya nakwiza jino shimbu etu natupwa na mitwe yetu yakunongama? Kaha kuhula kalamuthu uze natondo kwimana kukamenga, chindende kaha tulombe.

256 “Nguli nakutambuka haukiko, Mwata. Mwata, Ngwafwelela. Kukakasana chosena chami chosena vachifunda mu kaselwoke. Mwata, Nguli nakwiza. Ngwafwelela echi. Nguli nakukwingila mu Lizu ufuku uno, kaha Nguli nakuya nakufwelela echi na muchima wami wosena. Nguli nakumbata Ove ha Lizu Lyove.”

257 Umwe pwevo wamwaza nemana hano hakamenga, na—na kwinjikiza kuli Kalunga nge ikiye alumbunukila mulimo. Kaweshi kuhasa kwiza, vangahi vakwechi mitwe yavo yakunongama, kaha mavoko enu akukanduka, kaha vatondo kuvanuka mukulomba? Nauya kaha nakutambuka hano? Kalunga akukisule. Twaya kaha. Mukiko kaha. Twaya kuno na kwimana hano. Kuhanjika, “Nguli nakuya nakutambukaho. Kalunga, Ove washikile lushiko, chumachimwe kungongomweza ha muchima wami, kaha Nguli nakwiza jino nakutambukaho hali chize. Kaha Nguli nakuya nakutwama hali echi palanga cheji kunguneha vene muchilombo. Nguli nakwiza hanovene kuya ku chilombo cha vakakujila va Ou Wakulitulaho.” Kalunga akukisule. Echi chamwaza. Twayenu jino, enu munatondo kutambukaho. Mujila kaha ove uli, “Kupwa kaha nge Nguli, chakuzeneka kulambilila.”

258 Anuka. Ove ngwove, “Uze mutondo?” Eyo. Kuze kwapwilenga mutondo wakuvatula hamavu, lwola lumwe, kaha wakuchikiluka cheka ku Kavali. Kutumbukila hali uze mutondo ufukuuno, na jishiko ja Kalunga, eli Lizu lize lyapwile nakunyengela ha mutondo.

259 Nguli nakutambuka haukiko. Nguli nakuya nakufwelela echi, na muchima wami wosena. Ngwatondo kulinga chikuma kwiza hano na kulimeneka mumavoko vandumbwami.

260 Kalunga akukisule, hakwimana chove. Ngwatondo ove kutwama hano, chindende kaha, shimbu etu natulomba. Kalunga akukisule, ndumbwami walunga. Ndumbwami wapwevo wamwaza, Kalunga akukisule. Ou Mwata Yesu . . . ? . . . Kalunga akukisule, ndumbwami walunga. Kalunga akukisule, ndumbu wapwevo. “Ngutwaminyine.” Twamina ove kuze kukalwiji.

261 Anuka, nge ngamba ya Kulishitu, Nguli wakwimanyinako kunangula cha Lizu. Nguli wakwimanyinako ha unjiho wami. Kaha Nangwimana hano ufukuuno . . .

262 Kaha lunga wa myaka fifite faifi, mokomoko fifite seli yakusemuka, kupwa fifite mu Kambambanalisa, kaha kwimana hano na kutachikiza chize, numba echi chimweno chamakumishilo, chinahase kupwa makumbi

ami akumakumishilo hano hamavu. Ngwa—Ngwahase kumiseza mumakumbi amandende. Ngunahono kutachikiza omwo chalumbunukila. Ivwulilenu kaha kuli eyi tepu na mwako nakukukulula. Ngunahono kutachikiza omu chalumbunukila. Ngwove Ngunahase kwimana hano, kaha na chimbwa cha kufwelela nge eyi yipwa mijimbu yami yamakumishilo Nguli nakunangula, ali hano vene mu Phoenix, na kuhanjika chumachimwe chize chakuhenga, kaha kutachikiza nge makumishilo ami anafumu kuze, kaha Nangukaya nakuvasesa na mazu ami?

²⁶³ Vandumbwami, echa nguhanjike echi kuli enu, na vandumbu vamapevo. Ove unapunga mukuliwana. Munatachikiza, kutumbununa na vyuma. Kutala Ngwalinga lyehi kalachuma kuli enu, mu Lijina lya Mwata, oloze chuma muka chejile nakuhita? Nanguya nakuhula kala muthu. Nduma, mwane. Kujinguluka kaye, kaha masauzande a vimweno, kanda lyehi kupwenga. Kaha Nangumilweka muchano ufuku uno, awa Manyinga a Yesu Kulishitu analisale akutamo kufumisa kala lipenga, kaha naliya nakupwa.

Kuli kaselwoke wakuzala na Manyinga, (Kaha ove unemana hali Echi jino.)

Akufuma mumishisa ya Emanuwele, (Chuma chimwe kaha chinasaleko hano hamavu.)

Kuze kuli vakashili veji kwingilanga mwishi ya livaji,

Kufumisa mapenga akupaiwa.

²⁶⁴ Nguli nakuya nakulomba ava vakakuzata jino, kaha vandumbwami, kachi enu namuya nakutambuka hano mukachi kavathu. Wosena ali. . .Eyi ikiko jila, enu mweji kuvulukanga vakakuzata kulomba na vathu? Vakakuzata vosena muno, kahajino, chize vanatondo, kupwa nakufwila mu myono kulwila, kwiza hano na kwimana nge lizavu lya kulomba, kuze etu tunahase kukasa etu vavene hamwe, kufuma kuvyuma vyosena, na kulihandununa etu vavene. Ava malunga na mapwevo vali nakujika makumishilo avo, ufukuuno, ha Manyinga a Yesu Kulishitu, kumumbata Ikiye ha Lizu Lyenyi, kutambuka nakuya Kumeso Eyi, ha Lizu Lyenyi, na kuhanjika, “Hano Yami, Mwata. Kangweshi nachuma chakuhana oloze yami lyavene, na kungumbata.” Nauya na kwiza na vakiko, kachi ove muya? Kala muthu uze natondo, kwiza na kwimana. Kalunga akukisule, vandumbwami. Chize chinahase kupwa chamwaza. Ngunatondo kumona malunga vaze vanapu vingazule, vaze vanakufwila hali ize myono. Ngwashinganyeka, vandumbwami, echi chamwaza. Holola hazevene. Echi chamwaza. Imana nakujinguluka. Echa kaha jino. . .

²⁶⁵ Kachi mukakwimba mwaya mummyaso, kachi ikiye mwaya, echa twimbenu mwaso, mukuyema jino, mukunda, na kalemesa.

²⁶⁶ Etu tuli nakwiza keshi nge chuma chimwe chautuko. Etu katweshi nakwiza kuchuma chimwe chize chili kaha—chili—na kuzeneka kufwelela. Oloze etu tuli nakwiza Kumeso a Kalunga, ou Yehova Wakulitulaho, Uze ashikile, chize, “Kwosena vavali mokomoko vatatu valikungulwile mu Lijina Lyami, kuze Nguli mukachi kavu.” Hanjika kuli Ikiye nge ove sepa lyove, hanjika, “Mwata, Ngukonekele. Ngunavulumuna.” Kaha etu natuya nakwimba.

Kuli Kaselwoke uze azalile na Manyinga,
Akufuma mumishisa ya Emanuwele,
Kuze vakashili veji kwingilanga mwishi ya
Livaji,
Kujimbalisa lipenga lya kupaiwa.

Uze mwiji wakufwa awahililile hakumona
Uze Kaselwoke muli lize likumbi;
Kuze echa Yami, chipwe ngwapwa nge ikiye,
Kukosa nakufumisa jishili jami josena.

Kufuma haze ha lufwelelo Ngwamwene uze
Kaselwoke
Kuhingunuka na kuhana,
Zangi yakusokola yikiko yinapunga kwimana
chami,
Kaha nayipwako palanga nomu Nangukafwa.

²⁶⁷ Pwako kaha wamundende jino. Ove kaweshi chumako. Kakweshi numba umwe wetu kaweshi chumako. Kaha pwenu kaha vakushishika jino, na michima yenu yosena, nongamenu michima yenu na mitwe, kwosena, muzuvo yosena.

²⁶⁸ Ove Tata wa Mwilu, Ngunatachikiza nge Mazu Ove ali wamuchano. Vakiko kaveshi kuhasa kuhonako. Vakiko vanapu Lizu lya Kalunga. Vakiko vanapu Kalunga. Kaha Ove ngwove, “Ikiye mweza kuli Yami, Kangweshi kukahangako.” Kaha ava malunga na mapwevo, vali nakukunyuka, kutachikiza nge vakiko kaveshi kanawako, vakiko vatambukile nakuya kulutwe, ufukuuno, Mwata, kwitavila nge vakiko vali vakuhenga, kutachikiza nge vakiko vanapunga vakuzata na kutonda chamukachi chize—chize chinavakase kwiza ku Kaselwoke. Kaha hano vakiko kwimana, na mitwe yakunongama na michima, kunwa mu Meyu a Kuyoya, chawana, vaze vashika kuli Kalunga. Vatambula vakiko, Tata, mu Wangana Wove. Vakiko vanapu Vove.

²⁶⁹ Ove ngwove, “Naumwe muthu mweza kuli Yami kuvangila Tata Yami namukoko ikiye chatete. Kaha vosena vaze Tata nanguhane Yami navaya nakwiza kuli Yami.” Kaha echi chinasoloka nge Kalunga nalingi kuli Kulishitu, kupwa wana wa zangi. Kaha hano vakiko vanemana, Mwata. “Naumwe muthu mwahasa kuvafumisa mulivoko Lyami.” Kaha Ngwalombo, Kalunga, nge Ove uyenga nakuvahana vakiko ufukuuno, shimbu

vakiko vanemana hano, na kuvahana vakiko lujimiko lwa Shipilitu Wajila shimbu vakiko vali hano ha kamenga.

270 Echa ngolo jainene ja Kulishitu jizalilile moyono yavo jino! Vakiko valikonekelele. Vakiko vejile kulutwe. Ove ngwove, “Ikiye uze mwakaya Nakungwitavila kumeso avathu, ikiye mwaya Na kwitavila kumeso a Tata Yami na Vangelo vakujila.” Etu tunatachikiza nge kuzata nge omu chinazachiwa.

271 Jino, Mwata, katachikijilo kavo mu Wangana wa lushiko, lwa Shipilitu Wajila. Tuhanecho echi, Mwata. Hingununa Shipilitu Yove hali vakiko, na kuvazalisa na Shipilitu ya Kalunga wakuyoya, nge vakiko vanahase kupwa unjiho wakuyoya mumakumbi avo akuyoya, ku Wangana wa Kalunga.

272 Jino echa likungumbuwa kwimana. Kalamuthu mukulomba jino. Etu natuya nakulomba nge ava . . .

273 Jino, enu vosena mweji kwiza hano ufukuuno, kwivwa nge enu mwapwile na shili hamichima yenu, jino kakweshi chuma ove vnahase kulinga shina kufwelela chize. Ou Wajila . . . Ove mwitavila *Echi* ha lufwelelo. Elu lunapu lufwelelo, nge ove mwitavila. Yesu ambile ngwenyi, “Kakweshi muthu mweza kuli Yami kuvangila Tata Yami namukoko ikiye chatete. Kaha vyosena naviza kuli Yami,” Ikiye mwaya nakutambula echi. Ikiye keshi kuhasa kulinga chuma chimweko, mwomwo Ikiye ashikile echi. Talenu? Kanda kunoka ha kwivwa cha mujimba jino. Kunoka hali Lizu Lyenyi. Talenu? Eli Lizu linahanjika ngocho.

274 “Wosena mwevwa Lizu Lyami na kufwelela hali Ikiye uze angutumine Yami, ali nenyi,” aliko, “Kuyoya cha hayamyaka, kaha keshi kaya nakwiza ku Kusopesa ko, oloze nahichi lyehi mukufwa na kwingila mu Kuyoya.” Ou Shipilitu Wajila napu kuyoya cha kupwa wakuzala kaha wakuvwala na ngolo ja mulimo. Oloze kwitavila na kutambula Kulishitu kupwa na lufwelelo na kwitavila chove, kaha kasunukenu nge Kalunga nakukonekela jishili jenu.

275 Kaha ha chikuku cha Lizu Lyenyi, Ikiye ngwenyi, “Naumwe muthu mweza kuvangila Tata Yami namukoko ikiye chatete.” Talenu? Jino, Kalunga amikokele, chatete. “Kaha ikiye uze mwaya nakwiza kuli Yami, Kangweshi kamumbila vakamanganako.” Talenu? Talenu? Enu—enu mwatambwile echi. Chuma chimwe kaha, enu muli . . .

276 Ikiye—Ikiye afwile hali ove. Jishili jove vanajikonekela, myaka handulendi okwo. Ove twaya kaha jino na kwitavila chuma Ikiye akulingilile ove. Talenu? Kaha ove wafwelela nge Ikiye afwile ha jishili jove? Nauya nakumwitavila Ikiye kupwa mukakukuka wove? Mujila ikwavo, ove mwitavile Ikiye, nge Ikiye ambachile shili jove.

277 Ove muya nakupwa wakuwahilila na kumusakwilila Ikiye hakumbata jishili jove? Ove wafwelela Ikiye achilingile?

Kahajino katula livoko lyove, hanjika, “Ngwafwelela nge Ikiye mwambata shili yami,” amena, “kumbata shili jami.” Chosena chakwoloka.

278 Jino, ove uli jino na kwivwushisa cha lujimiko lwa Shipilitu Wajila.

279 Kachi ove kawatambwile lujimiko lwa Vakakulishitu ko, umwe hali ava malunga hano navakaya nakumona chize, nge enu namumbata lujimiko lwa Vakakulishitu.

280 Oloze jino, “Shimbu Petulu achili nakuhanjika mazu awa,” shimbu kanda vava jimikile, “shimbu Petulu ahanjikile awa mazu, ou Shipilitu Wajila aholokele hali vakiko.” Mwomwoika? Vakiko vosena vapwile mwishi ya kushinganyeka. Jino ove uli mwishi ya kushinganyeka. Ove unatondo Chumachimwe jino chize nachiya—chize nachiya nakupwa katachikijilo ove mu Wangana wa Kalunga, Chumachimwe chize nachiya nakupwa chamwenemwene kuli ove. Ove unatondo ku-...Kanda ove unatondo kutambula Shipilitu Wajila, muthu hi muthu? Ove kawatondele Echiko? Punduvene, enu namulinga. Echi chikiko cheji kulamanga ngolo. Talenu?


Vakiko vapwile vakukunguluka mukapete
kahelu,
Kulomba mu Lijina Lyenyi, va . . .
Vakujimika na Shipilitu Wajila,
Kaha ngolo ja kwiza.

281 Talenu? Mamalelo, omu mukiko ove unatondo jino. Kaha ove unahase kupwa nenyi, hano vene. Echi chili cha ove, hano vene.

282 Jino, vandumbwami, kutambuka nakuya. Echa etu, vosena jino, kaha kunangika mavoko hali ava vandumbwami, na kulomba nge vakiko vanatambula Shipilitu Wajila. Kutambuka nakuya, vandumbwami. Tambuka nakwiza.

283 Jino, chikungulwilo chosena, katulenu mavoko enu jino, muthu wosena! . . .? . . .

284 Ove Tata wa Mwilu, mu Lijina Iya Mwata Yesu Kulishitu, kuzalisa muchima wosena hano na lujimiko lwa Shipilitu Wajila.

285 Kutambula Shipilitu Wajila. Kutambula Shipilitu Wajila, ava vathu hano vanemana na kuvandamina ha Kupwa na ngolo ja Kalunga kuzalisa kuyoya chavo. 

LUNETÁ KUVUMA MWAKUZENÉKA KULUMBUNUKA LVE63-0114

(A Trumpet Gives An Uncertain Sound)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi mu Chimwe na chingoloshi, Chizeji 14, 1963, ha Christian Assembly mu Phoenix, Arizona, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org